


文苑英華

六



表

諫營造

雜諫論

上封事

遺表

狀

謝恩

文苑英華

六百廿二之六百

三十

文苑英華卷第六百二十一

表六十九

諫寺觀佛像都邑

此卷英華所編共年代先後今正之

諫白司馬坂營大像表二首 諫多造寺觀及王主邸第表一首

諫造金仙玉真觀表一首 諫開拓聖善寺表一首

諫營建中都表一首

諫白司馬坂營大像表 武后

張廷珪 久視元年

臣廷珪言夫佛者以覺知為義因心而成不可以諸相見也故經云若以色見我以音聲求我是人行邪道不能見如來此明真如之果不外求也陛下信心歸依發弘誓願壯其塔廟廣其尊容已遍於天下久矣蓋有住於相而行布施非最上第一希有之法何以言之經云若人滿三千大千世界七寶以用布施及恒河沙等身命布施其福甚多若人於此經中受持及四句偈等為人演說其福勝彼

五十五

卷一

如佛所言則陛下傾四海之財殫萬人之力窮山之木以為塔極冶之金以為像雖勞則甚矣費則多矣而所獲福緣不愈於禪房之匹夫沙門之末學受持精進端坐思理亦明矣臣竊為陛下小之今陛下廣樹薰脩又置精舍則經云菩薩所作福德不應貪負者蓋有為之法不足高也況此營建事殷土木或開發盤礴峻築基陛一作或填川澗一作或塞通轉採斫碾輓一作輓壓蟲蟻動盈巨億豈佛標坐夏之義愍蠢動而不忍害其生哉今陛下何以為之又役鬼不可唯人是營通計工匠率多貧窶朝驅暮役勞筋苦骨簞食瓢飲晨炊星飯飢渴所致疾疹交集豈佛標徒行之義愍畜獸而不忍傷殘一作殘其力哉今陛下何以為之又營築之資備足是稅雖乞丐所致而貧闕猶多郡州一作州縣徵斂一作輸星火逼迫或謀計靡所或鬻鬻以充怨聲載

路和氣未洽豈佛標隨喜之義愍愚蒙而不忍奪其產哉
今陛下何以為之且邊朔未寧軍旅一作裝日給天下虛竭
海內勞弊伏惟陛下慎之重之思菩薩之行為利益一切
衆生應如是布施不住聲香味觸法布施故一作則其福德
若東南西北四維上下虛空不可思量矣何必勤勤於住
相凋蒼生之業崇不急之務乎臣以時政論之則宜安一作先
邊境蓄府庫養人力臣以釋教論之則宜救苦厄滅諸相
崇無為伏願陛下察臣之愚行佛之意務以理為尚一作上不
以人廢言幸甚幸甚謹言

一作皆舊唐書本傳

第二表 中宗

前人

臣某言臣奉勅河北道宣勞今發都下從白司馬坂所過
見轉運材木雇役人夫臣勘問檢校官左藏署監事馮道
得狀奉今月八日勅於坂所修營并造天堂安置令王弘

義李昭德等分道採斫大木虐用威勢鞭撻官寮鑿山填
溪以夕繼晷傷殺丁匠不可勝言費散錢數動以億計其
時百姓愁苦四海騷然皇天孔明實茲降鑒凡所營構並
為災火所焚懷義之徒相次伏法而死自此之後停寢十
年近者狡豎張易之昌宗昌儀等將欲潛圖大逆為國結怨下
人兼售私木以規官利遂又與僧萬歲等設計移此坂營
建今既逆豎夷滅皇運中興陛下先發德音頻下明制除
不急之務罷土木之功所以少監楊務廉遠徙屏黜頌示
天下凡在中外不勝抃躍若此像閣重復修營則與制書
義殊乖越尚令二逆遺惡未除臣雖至愚固知不可且窮
土木之作竭倉府之資將非崇樹勝緣求諸福德者也今
則興起營造採木鑿坂蠕動含生因緣致死每當一日之
內等數尚不可知比及累歲而成譬喻豈復可及一作能廣

殺而求福德所獲焉補所亡慈悲之理深未弘暢方今仲春作候當務農業臣今在路經過全未見人耕種訪問咸稱乏絕苟求朝夕米糧此則百姓切急誠若倒懸矣陛下受天明命作人父母可不先解倒懸之切而方罄財竭力修營不急之務乎特乞即日停造大像等仍量抽其錢賑濟窮乏如天恩允臣等所請天下蒼生幸甚謹迺表奏聞伏聽勅旨

諫多造寺觀及王主邸第表

見六百九十八卷 疏明題作諫中宗

置公主府官疏

辛替否

諫造金仙玉真二觀表

睿宗 裴灌太極元年

臣某言臣謹案禮記春夏月令曰無聚大眾無起大役不可興土功恐妨農事若號令乖度役使不時則人加疾疫之危國有水旱之變一作災此五行之必應也今自春及一作夏

李林甫

又苑六百七十一

卷一三二

時雨愆期下人憂心莫知所出陛下雖降哀矜之旨京一作兩

都仍有寺觀之役一作作時旱之應寔此之由且春令告期

東作方始正是丁壯就功之日而土木方興臣恐所妨尤

多所益尤少耕夫蠶妾飢寒之源故春秋莊公三十一年

冬不雨五行傳以為歲三築臺僖公二十一年夏大旱五

行傳以為時作南門勞人興役陛下每以萬方為念睿旨

殷憂一作勤安國濟人防微慮遠伏願陛下下明制發德音

順天時副人望兩京公私營造及諸和市木等並請且停

則蒼生幸甚若農業失時戶口流散縱寺觀營構豈救黎

元飢寒之弊哉

一作皆舊唐書本傳

諫開拓聖善寺表

宋務先

臣聞有國有家者以恤人為務節用為先故唐堯至化采椽不斲漢文深仁露臺罷構西方之聖道貴融心使下人

不寧匹夫竊歎豈菩薩無相布施如來慈悲本旨哉陛下
孝思罔極崇建明固疑作土木之功莊嚴斯畢僧房精舍
宴坐有餘禪寺道場經行已足若更開拓奪人便利貧者
有擠壑之憂富者無安堵之所幸非急切何至於斯況陽
和發生播殖伊始興役丁匠廢業農功一夫不耕必有饑
者三時之務安可奪焉臣聞失鬼神之心可因巫祝而謝
失君長之心可因左右而謝失父母之心不可解也陛下
以萬邦為念何欲傷一物之心臣雖至愚猶有所惑方今
西戎尚梗北虜未羅戰士老於邊亭後車屯於塞下畎戶
流散府藏空虛卒然烽候興一面之虞水旱虐數州之地
乘其不意何以禦之伏惟陛下體唐堯父母之用心思苦
薩如來之本意傷邊卒艱勤之弊察下人勞怨之聲董浦
逃休力役實倉廩急農桑杜邪枉之門正尚耻之路諸不
急務一切惣停應須拓寺請俟農隙如此則國用充給黎
元幸甚

諫營建中都表

韓璽

臣聞古者明王之制也史書過瞽誦詩公卿諫士傳言庶
人謗於道商旅議於市然後君得聞其過失而後改之見
義而從之所以永有天下也陛下不以臣不肖忝在學士
敢不竭忠盡節有隱避乎詩曰靡不有初鮮克有終老氏
曰慎終如始則無敗事曩者韋氏稱制萬邦憂惶實賴陛
下神武克復社稷其初也賤珍寶禁奢華罷土工勑梓素革
衆弊伐天工垂拱無為削國心虛靜追蹤堯舜比德羲軒天下
顛顛傾耳注目喜遇非常之主復在於今日矣康哉之歌
復聞於黎庶矣奈何簡易未幾而又興建中都乎蓋於開
廐數倍乎溺於聲色無極乎耽於遊畋不節乎營為繕造舉

多乎都邑課稅煩劇乎不省亡國之風因循覆車之軌天下失望海內驚嗟朝野心知而懼罪鉗口以斯統御天下豈所謂可以可大之業耶且自昔歷代之君皆欲建萬代之業使子孫長有天下也豈使子孫傾覆天下哉子孫若覺所行必將敗亡則必恐懼不敢為之矣以亡國之主自謂必不亡也然後至於覆亡也存國之君恐懼必將亡也然後至於不亡也易曰知進退存亡得喪而不失其正者其惟聖人乎又曰其亡其亡繫於苞桑此言懼亡獲堅固也管仲曰古之隳國家失社稷者非故且為之也有樂焉不知其陷於惡也陸凱曰有道之君以樂樂人無道之君以樂樂身樂人者其樂彌長樂身者不久而亡夫人者國之根也君以人為本人以君為命人安乃君安人樂乃君樂伏惟陛下居安慮危在得圖失防患於無形之始慎禍於纖微

之初念管仲之至言棄少樂而存社稷覽陸凱之篤論思樂人而樂彌長也禮記曰孟夏之月無有壞隳無起土功無發大衆無伐大樹昔魯夏城中丘春秋書之垂為後戒今建都國乃長久之大業也犯天地之大禁襲春秋之所諱詩曰畏天之怒不敢戲豫孝經曰理國者不敢侮於鰥寡而況於士人乎今不恤士庶之擾而建都國不畏上天之怒而長戲豫棄安就危棄存就亡棄易就難棄約就奢而欲永有天下恐不可得也但恐頃年已來水旱不節天下虛竭兆庶困窮戶口逃散流離艱苦鞏洛暴水所喪尤多江淮赤地飢餒者衆加以東北有不賓之寇西涼有喪失之軍干戈歲增疆場騷動近又胡羯逆命徵發不寧料事度宜豈應更建中都矣至若兩都雖舊制矣然而分守官衆多矣費耗用度尚以為損豈況更建中都乎夫河東

者國之股肱郡也勁銳強兵盡出於是其地隘狹今又置都十萬之戶將安投乎夫惟所造城闕爰及苑囿毀折閭閻令其別創損壞冢墓令其改卜殷富者破其產業貧窶者莫知所從外迫威詔內懷湯火怨嗟之聲驚惶之擾盈于途路逮于鬼神老小孤惇茫然無計憂悲苦惱不可勝說此甚不可也且陋東都而幸西都自西都而造中都取樂一君之欲以遺萬人之患務在都國之多不恤危亡之變悅在遊幸之麗不顧兆庶之困非所以建深根固蒂不拔之長策矣昔漢帝感鍾離之言息事德陽之殿魏主採續咸之諫止造鄴都之宮臣職非其位言發微細然聖主不以人廢言不以微擯人矣臣愚誠願陛下發德音垂明詔深恤黎庶罷事中都則福履無疆天下幸甚謹言

登仕郎胡 柯 鄉貢進士彭 叔夏 校正

上封事

論時事表一首

直諫表一首

進封章表一首

上封事表一首

獻事表一首

論諫職表一首

論時事表 唐高祖

李綱

臣綱言臣伏見武德五年之後四海初定陛下自負太平日就驕侈傷於酒德稍怠萬機專與幸臣日夕遊宴所重唯聲樂所愛唯鷹犬夷夏進送道路不絕又折辱功臣多所輕侮或發其微時細過或加捶撻於殿庭德澤漸虧下將疑懼而戚藩公主皆逾憲式嬪媛之家多違法度不加禁止頗有侵漁行路之間非無誼籍又皇太子令及秦齊二教共詔勅並行唯計日之先後州郡之職無所從授

四第

一

何全力

官分賞在意所欲不復論功伐簡才行矣加以每歲秋冬田遊無度王公妃主雜糅其間或時逢考選皆在原野至於歷時不返京邑略無居人億兆失望陰懷歎息朝之綱紀漸以弛紊而陛下不悟政教日頽在內不許論事當朝略無諫者愚臣竊懷慄畏誠有危亡之慮臣不敢不盡言伏待刑憲

直諫表 代宗

獨孤及

臣及言伏見陛下屢發德音招延獻納使左右侍臣得直言極諫忠蹇者無不聽狂訐者無不容又辛丑唐書作壬辰詔書曰詔裴冕崔渙等十有三人並集賢殿待制以備詢事考言之問此五帝之盛德也而臣以目睹生則幸矣然頃者陛下雖容其直而不錄其言進鳳上封者大抵皆事寢不報書留不下但有容諫唐書之名竟無聽諫之實遂使諫者稍稍

自省

集作引

鉗口就列飽食偷安相招為祿仕此忠鯁之士

所以竊歎而臣亦耻之十室之邑必有忠信如孔丘者況

以朝廷之大卿大夫之眾而陛下選授之精歟假令不能

如文王之多士堯舜之比屋其中豈不有温故知新可使

懋陳政要而億則屢中者乎陛下唯虛存其儀令條奏不

曠及議政之際曾不採其一說堯之疇咨禹之昌言豈若

是耶昔堯設謗木於五達之衢孔子亦曰以能問於不能

以多問於寡又曰丘也幸苟有過人必知之然則多聞闕

疑不取下問聖人之心也臣不勝大願願陛下試以堯孔

心為心日降清問啟其弘說其不可者罷之可者議之於

朝與執事者共之使知之必言言之必行行之必公則君

臣無私論朝廷無私政天下無私是陛下以此辨可否於

獻替而建太平之基集作階可也況國體乎自師與不息十

年矣百一作萬姓之生產空於杼軸擁兵者第館旦街陌奴婢

厭酒肉而貧人羸餓就役刻剥集作剝及膚新唐書作剝膚及髓長安城中

白晝椎剽京兆尹不敢詰加以官亂職廢將惰卒暴首揆

隳刺如紛麻沸粥百姓不敢訴於有司有司不敢聞於天

聽士庶茹毒飲痛窮而無告今其心顛顛獨恃二字集作獨指梅望於麥

麥不登則易子齧骨可跂而待眠於焚薪之上豈危於此

陛下不以此時軫薄冰朽索之念厲精更始思所以救之

之術忍令宗廟有累卵之危萬集作醜姓悼心而失圖臣實

懼焉及去年集作歲十二月丁巳夜中星隕如雨昨者清明

降霜三月苦熱寒暑氣候錯綜新唐書作繆顛倒沴莫大焉豈下

陵上替怨讟之氣焰以取之耶不然天意其集作之丁寧譴

誡以是警陛下陛下宜反躬罪己旁求賢良者而師友之

黜棄貪佞不肖而竊位者下哀痛之詔去天下所疾苦廢

無用之官罷不急之費禁止暴兵節用愛人罔使宦官亂國
政佞言敗厥度兢兢軋軋以徼福于上下必能使天誠感
而神心應反妖災以為佳集作和氣彼太戊桑穀宋景熒惑焉
足為陛下道哉臣一昨陳奏請減江淮山南等諸道兵馬
以贍國用陛下初不以臣言為愚妄許當施行然及今日
未有霈然之詔臣竊遲之今天下唯朔方隴西有吐蕃僕
固之虞邠涇鳳翔等兵足以當之矣自此而往東洎海南
至番禺西盡巴蜀萬里無鼠竊之盜已積歲矣而兵不為
之解傾天下之貨竭天下之穀以給不用之軍而為無竭
之費臣不知其故假令居安思危用唐書備不虞自可於
阨害集作之地少置屯禦餘悉休之以其糧儲扉屨之資
充疲人貢賦歲可以減國賦之半陛下豈持集作疑於改
作逡巡於舊貫使大議有所壅而兵卒集作率土之患日甚一
日是益其弊而厚其疾也臣竊惑焉夫瘵癰者必決之使
潰今兵之為患猶癰也不以漸戢之其害滋大大而圖之
必力倍而功寡豈周易不俟終日之義歟伏惟圖其始而
要其終天下幸甚臣無任懇款之至

進封章表

齊映

臣某言臣聞恩之重者非命可酬誠之切者無言以代但
無以非命又無以可伸臣某謝臣又聞君親之恩天地之
理在臣所感異於常恩臣於廣德二年曾授徐州一尉既
不赴任即同無官建中之初便荷聖澤自此累擢以至台
司此臣所感異於常恩一也聖朝特重史官宰臣先獲兼
授況臣不逮忽竊殊私此臣所感異於常恩二也敢言守
直實稟至愚是以凡所歷官必遭飛謗慈母有投杼之惑
古人著竊鈇之疑臣獨何人累蒙聖察此臣所感異於常

恩三也但夙多羸疾今迫衰齡常恐殊恩未酬朝露溘盡
負天愧地不知所云臣某謝臣又聞西晉山濤之事君每
有所知必有密奏晉代謂之山公啓事實若今之榜也
意在臣展盡忠之道君擇可採而行使政自上施言無外
見但以臣性本庸淺識又暗劣每有聞見莫辨是非若合
陳不陳懼乖耳目之任不合奏妄奏則當塵瀆之辜是積
慙惶亟歷星歲竟未能舉一賢以自代興一利以上陳冒
寵偷安其罪至重更以臣除官制云爾其竭誠啓沃以廣
視聽故臣得以盡其管見塵浼天聽謹別錄狀同進以聞
無任兢惶戰汗之至

上封事表

憲宗

李渤

臣渤言臣伏見今月一日赦文中外僚列應有策略可濟
時者悉許上陳無有所隱臣竊以陛下登極已來擢自嚴
野者唯一人而已臣感殊獎不合私身身既无私豈宜愛死若
臣者得死於義則榮於生遠矣以元和九年十二月二十六日
奏平賊三術並皆詰誦不捨元濟其上是感其次是守其下是戰
又言感不成

不失為戰此求廟戰為陛下

萬全之謀也其直言必戰者是見無禮於君如雁鷁之逐
鳥雀奮不顧身真陛下義勇之臣也昔漢代先零羌反趙
充國守屯田辛武賢請討襲宣帝兩行之雖各成本功豈
如陛下雄邁獨斷竟斬滅兇虜則微臣前者上言為國之
道也今掃清淮西是陛下之聖也社稷之福也臣猶不勝
懇款願朝廷增修德政以享外寧之功輒復自忘幽朴遠
獻芻言冀以塵露少裨海岳竊以陛下天縱生知又嗜學
不倦故臣敢依託經史敷陳下情特乞聖慈容其迂繁曲
賜終覽則踈退小臣死骨不朽矣臣某謝臣昔負薪偷暇

讀書至周禮見春官外史掌三皇五帝之書即楚靈王所謂三墳五典是也書叙又云三墳言大道也五典言常道也然則三五之君君之至者矣臣曾學易見三皇之道加之以書見五帝之德加之以詩禮見三王之仁加之以春秋見五霸之義尋戰國策極于隋史見治代得失因參以百家統以九流又遺其繁華摭其精實收視黜聽順其所自故遊涉中理也髣髴三皇之化自冥於天天法道者不疾而速不行而至範圍天地曲成萬物易稱先天而天不違又云鼓萬物不與聖人同憂是三皇在上至朴未散天下大同無思無為逍遙而已五帝之教自冥於地則天者其德廣運乃聖乃神乃武乃文書曰天聰明自我人聰明天明畏自我人明威孔子曰唯天為大唯堯則之是也五帝在上唯精唯一允執厥中百姓不知其德至矣三王之政自冥於仁仁効地者不識不知無思不服本以六德六行文以五禮六樂孔子曰以仁理人又曰克己復禮天下歸仁焉是三王在上上仁下義仁義相感天下大和故行葦天保之詩作成康襲政刑措四十年至于五霸力義統盟功過糅駁傷壞王猷秦賊隳周法剗去井田殘蝕六國知及之仁不能守之故二世譴而亡漢高帝寬仁大度與人同利能任使善聽納竟旬萬國孔子曰其或繼周者雖百代可知也彼蕭曹輩生於秦長於秦習於秦惑於秦不盡刷秦惡特建制度與夫三代聯輝此其未至也然皆根以忠朴與清靜其世唐諱一作上代長久者亦在此文帝躬約素德罷罷構露臺却千里馬熙然與刑措無異賈誼尚以為皇號甚美論德不稱豈非兼以造程裁範未抵大中歟景武昭宣亦各有美皆以樂賢從諫風流無窮元成哀

平過有輕重皆以黜賢變佞稔學亡國光武皇帝龍躍白

水乘舊德莽賊百萬且潰且溺又平赤眉銅馬隴蜀諸

寇非項氏等夷其佐命與三傑亦異校其武蹤功次高祖

若乃稽古宅周勲臣壽儒學光教化浹洽躬踐理平自牧

以謙自勤以勞兢兢若不及過矣無次也明帝孝思敦

九族盱食以遠幽枉無倖私無矜色章帝性仁厚行春

令建胎養法賦貧人以苑地和帝抑符瑞省貢獻有明章

餘風皆洛都之令王自殤已下不足徵也桓靈不道羣醜

侵政誅滅賢俊流毒蒸人鬻官於朝列肆於內羣盜大起

腥聞在上赤帝之祚其亡也忽焉蜀先主任託孔明有仁

人風烈魏文帝席父業擅妄大言輕議舜禹摧末踈本其

昏塞劇矣然災眚罪已罷劾三公終制省薄亦足稱也此

外無他勝畧繼以荒胤隣豪敵臣奸雄延數代而亡實為

幸矣晉武承三葉權力通一淮海焚恠服讓泥金容劉

毅直辭輝光霽然違欽言嶠議使黼衣左袵數百年華風

不振者罪朽矣南北分朝質文術背造邦者挺雄才騁

竒筭約之以勤儉必有憂呂之功焉殘國者皆淫逸其心

猜毒溺私移之以矜禽奢奔必有失鮫之敗焉嗣主善

惡紊駁三者擬諸二漢兇惑逾之美不及者也大槩吳風

巧其失也浮虜俗愚其失也鄙滯名不勝質故陳滅於

隋昔漢世諱祖帝隴蜀更詔以書貴服其心恥以虛為勝也

何以造以島夷索虜相濟得不愧顏於讓畔通樂乎自隋

沒唐祚十一帝頌春嚮二百年矣革土垂號亞姬敵劉但

房杜病同蕭曹祖述秦漢憲章周隋使周邵得擅美於前

代者龜玉毀於櫝中矣乃玄宗中興崇敏璟直敏未達直

不深皆輔理名才不宜責以經國也李林甫元載媚君以

佞諛迷君以嗜好引同誅異封其邪志致逆羯啓釁燎原
不滅者非二子而誰異代同憊共汗三紀遂使朝多忌諱
俗尚苟容波驚雲撓蕩動未息易曰通其變使人不倦神
而化之使人宜之窮則變變則通通則久是以自天祐之
吉無不利竊聞至德已來天下常思太平君臣之心非不
懇切迄于今未稱者是人倦而不知變雖君儕堯禹臣越
伊周詔如尚書典誥日下旣不行之行之亦何由得通且
久乎易曰化而裁之存乎變推而行之存乎通神而明之
存乎其人默而成之不言而信存乎德行天祚聖唐以變
通之數遺陛下順而革之則悠久大曆必自此而更始矣
臣觀前代嗣帝功未有如陛下今日之盛也宜乘今戮淮
寇之勢以德制恒充則恩威兼暢矣恩威兼暢而又加之
以捨小過舉賢才則陛下雖欲讓太平之勲矣臣知必不
得明矣伏望廓開聖德以撥亂意自兼劇秦蔑致
志於炎昊間再造鴻業與天地惟新馳之於無窮昔舜禹
以匹夫宅四海其烈如彼今聖代以五朝營太平其難如
此臣又竊聞之陛下使工伎必能是不欲其兩傷也如此
推而進之則建皇極致雍熙如指諸掌乎臣疑宰相公卿
皆蘊其略但啓沃之次未及使陛下翹思之疑作武疑望殷湯
主憂臣辱孰不憤歎今陛下蹈道據德安人存義則三皇
五帝三王五伯之美兼矣與人同利從諫如流尚約素斥
珍竒則漢高孝文之美兼矣尊儒學兢兢若不及幽枉必
達無倖私無矜色則光武孝明之美兼矣任託不惑容受
直言則蜀先主晉武之美兼矣約以高祖太宗之善訓貫
以陛下之明聖物萃前美混論消息融而爲至德發而爲
玄化以王道爲尺以大中爲刀度時之宜裁酌古今引知

蕩寬驅末還本正六官叙九疇舉王制於月令調兵食崇
孝悌敦九族闢諫路顯儒學退文華黜選舉復俊造定四
人省道釋明刑以行令理兵以禦戎然後經之以禮樂緯
之以道德推誠信以化之風雅以暢之坐明堂登靈臺
休息乎祥氣之間陛下襲羲軒於上公卿儕稷契於中黎
元歡鼓腹於下挹甘露嗽醴泉禽畜四靈不為難矣臣愚
寡聞不識遠大伏望下宰相公卿大夫議之如瞽言可採
伏乞搜巖封野博引海內巨儒耆德立識明斷之士大開
學館與朝賢參講令其稽古應時據經便俗仍使切磋周
復沐浴精義重作制度使合乎宣父繼周之旨夫正氣
衰彼承家烏鼠寇戎狄裔夷若槁葉迎霜輕冰涉暑瞥然已去開
然已亡固不足塵于聖慮矣今臣謹竭管見獻五事如後是非
踈密懸在天鑒最爾昏塞何能自分若乃沿革次第時政
所切伏計宰輔必已詳奏亦不敢更言臣今幸生聖代又
曾謬處諫垣逢中興將啓之期知太平必成之術實懼不
言為罪也狂瞽微臣不勝感恩申憤之過謹勒祗承人某
奉表披露丹懇以聞臣渤誠惶

獻事表 憲宗

元稹 元和元年

臣稹言臣聞理亂之始各有萌象二者無門在君上啓之
而已所謂萌象豈有他哉容直言廣視聽躬親集作庶務
委信大臣使左右近習者不敢得書蔽踈遠之臣庶此理
之象也此而不理萬無一焉大臣不親直言不進抵忌諱
者殺犯左右者刑與一二近習者決事於深宮之中羣臣
莫得參預籌畫此亂之萌也此而不亂亦萬無一焉是以
古者人君即位之始萌象未見之時必有狂直敢言之士
抵忌諱獻危言在上者苟或宥而容之激而進之則天下

之君子望風而悅曰彼之狂而猶容於上上之人其欲來

天下之士乎吾之道可以行矣其小人擇唐書利而言曰

彼之直可以得幸於上吾將以直言集作直徼利可也由

是天下之賢與不肖各以所忠貢言於上上下下之志霈然

而通得失之情幽遠必達合天下之智理萬物之心人人

樂得其所戴其上如赤子之親慈母也雖欲誘之為亂其

可得乎臣故曰容直言廣視聽而不理者萬無一焉及夫

進計者入而不出直言者戮而不容則天下之君子自謀

於心曰與其言且不用而身為戮吾寧危行言遜以保其

終乎其小人擇利而喜曰君之所惡者拂心逆耳之言也

吾將苟順是非以幸集作事之可也由是進見者隔集作革而不

納言事者寢而不聞若此則十步之事不得見也朝廷之

事集作情不得聞也而況於天下之大四方之遠乎故曰聾

瞽之君非無耳目也蓋在集無在字左右前後者屏蔽之不使視

聽耳此而不亂其可得乎集作哉昔太宗文皇帝初即位時天

下之人莫有諫者唯孫伏伽嘗以小事持諫於上文皇帝

大悅厚賜田宅以勉之自是言事者唯懼乎言不直諫不

極不能激文皇之盛意曾不以觸龍鱗犯忌諱為不可矣

於是房杜王魏之徒議可否於前天下四方之人言得失

於外不三四集作四年而天下大理豈文皇獨運聰明於上

哉蓋亦羣下各盡其忠言以宣揚發暢於天下也且夫樂

全安而惡戮辱古今之情一也豈獨貞觀之人輕犯忌諱

而不惡戮辱哉蓋文皇激而進之之切集作功也喜順從

而怒蹇犯亦古今之情一也豈獨文皇甘逆耳而怒從心

哉蓋以順從之利輕而危亡之禍大無窮之業重而奉已

之事微思為子孫垂不朽建永安之計也為後嗣者豈集作共

可順一朝之意而輕用

二字唐書作幾

文皇之天下乎累聖傳序於

今垂二百年矣莫不率由斯道致俗和平況陛下以上聖之

姿紹復前統即位之日天下惟新罪叔文之徒而凶邪之

黨散懸惠琳之首而悖亂之氣清消集作發承光之詐而假

威之孽除反焦陂之田而蒸庶之情感其餘滌瑕緩死薄

賦恤人賜帛者年旌閭孝悌修廢學建義倉莫不由被殊私

覃於集作有截斯皆陛下上法堯舜近法太宗致理之萌形

見者數十豈臣庸劣一二而能明然而臣竊復孜孜蚩蚩

集作咄咄有所未決者獨以陛下即位已來既周歲矣百辟卿

士至于天下四方之人曾未有獻一計進一言受陛下伏

伽之賞者左右前後拾遺補闕亦未有奏一封執一諫受

陛下激而進之之勸者設諫鼓置匭函曾未聞雪一冤決

一事明陛下無幽不燭集作之意者若臣等備位諫列名

為供奉官曠日彌年不得召見每就列位屏氣鞠躬不敢

仰視又安暇議得失獻可否哉供奉官尚爾又況於踈遠

之臣庶雖有特達不羣之智思欲自効其路何階遂使凡

今之人以諫鼓匭函為虛器謂拾遺補闕為冗員臣竊思

之以陛下之睿博弘深勵精求理豈或入而不言出而不

用哉蓋羣下因循不能有所發明之罪也且臣思之今之

備召見承顧問者獨一二執政而已每一對揚不及俄頃

之間議天下之事臣竊料之恭承聖問仰謝寵光之不暇

又安得集作暇陳理亂議教化哉其餘瑣瑣有司或時一召者

集作見言簿書之出入計錢穀之登降不暇又安足置齒牙

間臣竊惟陛下以受集作命惟新之初何如貞觀致理之

後當貞觀致理之後以房杜王魏匡輔之智而猶上封進

計者存至獻可替否者日聞今陛下當致理之初在四方

多虞之日然而言事進計者終歲無一人豈非羣臣集作
因循竊位之罪乎若臣某者稟性怒為鈍昧然無識然以當
陛下臨御之始首陛下策賢之科擢授諫司恩萬恒品若
復默默與在位者處則臣莫大之罪亦萬於恒品矣輒將
集作冒昧殊死件奏十事於後一曰教太子以崇糖書邦
本二曰任糖書諸王以固磐石三曰出宮人以消水旱之
災集無此四曰嫁諸糖書女以遂人倫五曰無時召宰相以
講庶政六曰序次對百辟以廣聰明七曰復正衙奏事以
示躬親八曰許方幅糾彈以懾姦佞九曰禁非時貢獻以
絕誅求十曰省出入畋遊以防銜楸凡此十者設使言之
而是是而見納集作非臣之福也天下之福也苟或言之
而非非而見罪乃臣之分也亦臣之願也無任懇悃奮激
効節愛時之至謹詣東上閤門奉表并事件以聞臣積誠
惶誠恐頓首頓首死罪死罪謹言

論諫職表 憲宗

前人

臣某言臣聞先王之制祿也居其位不行其職者誅是以
上無虛授下不隱情臣竊觀今時集作備位素餐不行其
職者莫過於臣輩臣聞太宗文皇帝時以王珪魏徵為諫
官文皇雖宴遊寢食之間王魏實在其所用至於文皇發
一言則王魏詳之而後出舉一事則王魏慮之而後行以
文皇之明合王魏之智是以舉無遺事言有典常文皇猶
以為視聽之未廣也因許集作命三品已上入議軍國大政
必遣諫官一人一作隨入以參驗之當是之時司耳目股
肱之任者有君臣之義焉有父子之恩焉有朋友之勸焉
以是否無不替可無不行不四三年而天下大理蠻夷君
長帶刀入侍者不可勝計豈干戈征伐之所致乎蓋壅蔽

之患銷而幽遠之情達也若此然後可以稱天子之爭臣
矣近之司諫諍者則不然大不得備召見次不得參時政
排行就列累累集作而已且臣聞之諫臣集作之職曰左
右前後拾遺補闕大則廷議小則上封近年已來正
衙不奏事庶臣集作罷巡對若此則不見遺闕補拾何
階不得敷陳廷議安設其所謂舉諫職者唯獨誥令有不
便除授有不當則奏一封執一見而已以此集作思之君
臣之際論列是非諷諭於未形籌畫於至密尚不能迴至
尊之盛意備讒慝之巧言而況於既行之誥令已命之除
授然後執集作奏一封集作奏一封集作一見而思欲收絲綸之詔迴
日月之光信無裨於萬一矣至使凡今之人以上封進計
為妄動拾遺補闕為冗負以此稱供奉官與王珪魏徵為
等列臣雖至愚能不自愧且陛下若以為臣等無所裨補
不足參侍從固不當假以名器無立集作於朝苟以為務
廣聰明稍開集作理道又不宜集作屏棄疎賤之使至於
此伏願陛下許臣於延英候對召臣一見賜以溫顏使臣
得盡愚懇之誠備陳諫官之職苟或言有所集作採得裨
陛下萬分之一是臣千載之一時也如或言不詣理塵黷
聖聰則臣自實刑書以謝謬官之罪亦臣之所集作甘心
也無任懇款發憤守集作職忘軀之至謹詣東上閣門奉
表以聞

文苑英華卷第六百二十二

登仕郎胡柯

鄉貢進士彭

叔夏

校正

雜諫論一

雜諫論表凡三卷英華所編失年代次序今正之

諫山陵制度過厚表一首

論封建表一首

論左右丞須得其人表一首

諫詰難公卿表一首

論李初諫尊賢學表一首

論攝養表一首

諫五品已上妻犯姦不沒官表二首

請宮中眼花浪見不得輒奏表一首

諫東宮物少於魏府長表一首

諫欲觀起居紀錄表一首

諫山陵制度過厚表 太宗

虞世南

貞觀九年

臣聞古之聖帝明王所以薄葬者非不欲崇高光顯珍寶具物以厚其親然審而言之高墳厚隴珍物畢備此適所

劉信

以為親之累非曰孝也是以深思遠慮安於菲薄以為長久萬代之計劃其常情以定之耳昔漢成帝造延昌二陵制度甚厚功費甚多諫大夫劉向上書其言深切皆合事理其略曰孝文居灞陵悽愴悲懷顧謂羣臣曰嗟乎以北山石為槨用紵絮斲陳漆其間豈可動哉張釋之進曰使其中有可欲雖錮南山猶有隙使其中無可欲雖無石槨又何戚焉夫死者無終極而國家有廢興釋之所言為無窮計也孝文寤焉遂以薄葬又漢氏之法入君在位三分天下貢賦以一分入山陵武帝歷年長久比葬陵中不復容物霍光暗於大體奢侈過度其後至更始之敗赤眉賊入長安破茂陵取物猶不能盡無故聚斂百姓為盜之用甚無謂也魏文帝於首陽東為壽陵作終制其略曰昔堯葬壽陵因山為體無封無樹無立寢殿園邑為棺槨足以

藏骨為衣衾足以朽肉吾營此不食之地欲使易代之後不知其處無藏金玉

銀一作

銅鐵

一以瓦器自古及今未有

不亡之國是無不掘之墓喪亂以來漢氏諸陵無不發掘乃至玉柙金縷骸骨並盡豈不重痛哉若違詔妄有變改吾為戮屍於地下死而重死不忠不孝使魂而有知將不福汝以為永制藏之宗廟魏文此制可謂達於事矣向使陛下德止如秦漢之君臣則緘口而已不敢有言伏見聖德高遠堯舜猶所不逮而俯與秦漢之君同為奢泰捨堯舜殷周之節儉此臣所以戚戚一作也今為丘隴如此其內雖不藏珍寶亦非一作益也萬代之後人但見高墳大冢一作豈謂無金玉也一作耶一作臣之愚計以為漢之一作灞陵既因山勢雖不起墳自然高顯今之所卜地勢即平不可不起宜依白武通所陳周制為三仞之墳其方中制度

庶事一作事減少事竟之日刻石於陵側明丘封大小高下

之式明器所須皆以瓦木合於禮文一不得用金銀銅鐵

使後一作代子孫並皆遵奉一通藏之宗廟豈不美乎且

臣下除服用三十六日已依灞陵今為墳隴又以長陵為

法恐非所宜伏願深覽古今為長久之慮臣之赤心唯願

萬歲之後神道常安陛下之孝名揚於無窮耳云云

一作皆舊唐書本傳

論封建表 太宗

顏師古

臣師古言臣伏聞前年陛下親發聖慮將降明勅博問卿士議欲封建斯誠天機獨悟妙策深遠既合事宜實惟治要然而議者不壹各執異端或欲追法殷周遠遵上古天下之地盡為封國庶姓羣官一日錫茅社或云承弊之後人稀土曠封建之事普未可行一臻至理兩失其中何者今

古異俗文質不同不可空採虛名以乖實効若即廢罷州縣分爲列國無功而受封爵庶姓而專臣吏非直於理不合亦自制度難成至如磐石之基實資藩屏皇枝帝子維城是寄伏以漢祖撥亂懲艾前失大啓九國雜行霸道規模弘遠歷祚延長近代澆浮不樹宗子雖有王侯之號了一作無藩輔之實故易爲傾動顛而不扶前哲往賢論之已備臣愚以爲當今之要莫如量於遠近分置王國均其戶邑強弱相齊畫野分疆不得過大間以州縣雜錯而居互相維持永無傾奪使各守其境而不能爲非協力同心則足扶京室陛下然後命分諸子各就封之爲置官僚皆一省選用法令之外不得擅作威刑朝貢禮儀具爲條式一定此制萬世永久則狂狡絕暴慢之心本朝無怵惕之慮臣輒獻愚管伏聽採擇塵黷非宜退增戰懼惶恐謹言

論左右丞須得其人表

劉洎貞觀十一年時爲治書侍御史

臣某言臣聞尚書萬機寔爲政本伏尋此選授受誠難是以八座比於文昌二丞方於管轄爰至郎曹舊唐書本傳作曹郎上應列宿苟非稱職竊位興譏伏見比來尚書省詔勅稽停文案擁滯臣誠雖庸劣請述其源貞觀之初未有令僕于時省務繁雜倍多於今而左丞戴胄右丞魏徵並曉達吏方質性平直事應彈舉無所迴避陛下又假以恩慈自然肅物百爲唐書匪懈抑此之由及杜正倫續任右丞頗亦厲下比者綱維不舉並爲勲親在位品貞觀政要非其任功勢相傾凡在官寮未循公道雖欲自強先懼囂謗所以郎中抑政要與奪唯事訟稟尚書依違不能唐書斷決或憚聞奏故事稽延案雖理窮仍更盤下去無程限來不責遲一經

出手便涉年歲唐書作載或希旨失情或避嫌抑理勾司以案

成為事了不究是非尚書用便僻為奉公莫論當否遞相

姑息唯務彌縫且選賢授能非材莫舉天工人代焉可妄

加至於懿戚元勳但宜優其禮秩或年高耄及或積病智

昏既無益於時宜當致之以閑逸久妨賢路殊為不可將

救茲宿弊且宜精簡四員政要作尚書左右丞左右司郎中如

並得人自然網維恪政要作略備舉亦當矯正趨競豈唯

息其稽滯而已二字唐書作哉

此篇六百九十一節

諫詰難公卿表 太宗

前人

臣某言臣聞帝王之與凡庶聖哲之與庸愚上下相懸擬倫斯絕

是知文粹作若乃課舊唐書作至愚而對至聖以極卑而對極尊徒

思自強不可得也陛下降恩旨假慈顏凝旒後篇作神以聽其

言虛襟以納其說猶恐羣下未敢對揚況動神機文粹作聰縱

天辯飾辭以拊唐書作折其理援古以排其議欲令凡庶政要并後

何階應答臣聞皇天以無言為貴聖人以不言為德老君

稱大辯若訥莊生稱會要後至道無文此皆不欲煩也是

以齊侯讀書輪扁竊笑漢皇慕古長孺陳譏文粹作詞此亦不

欲勞也且多記則損心多語文粹作言則損氣心氣內損形神

外勞初雖不覺後必為累須為社稷自愛豈為性好自傷

乎竊以今日外平皆陛下力行所至欲其文粹作令長久匪由

辯博但當忘彼愛憎慎茲取捨每事敦朴無非至公若貞

觀之初則可矣至如秦政強辯失人心於自矜魏文宏才

虧眾望於虛說此才辯之累較然可知矣伏願略茲雄辯

浩然養氣簡彼細圖後篇作宏機淡焉怡目唐書作自怡固萬

壽於南岳齊百姓於東戶則天下幸甚皇恩斯畢文粹後篇作皇恩斯

此篇六百九十一節重出今已削去

幸甚

論太子初立請尊賢學表

後篇作請太子尊賢重道書

前人

臣某言臣聞郊迎四方孟侯所以成德齒學三讓元良由

是作貞斯皆屈主祀後篇作禮之尊申下交之後篇有明字義故得芻

言咸薦眷問傍通不出軒庭坐知天壤率由茲道永固鴻

基後篇業者焉至若生乎深宮之中長乎婦人之手未嘗識

憂懼無由曉風俗雖復神機不測天縱生知而開物成務

終由外將夫宗謂彼干籥聽茲謠頌何以辨章庶績甄覈彝

倫歷考賢聖咸資琢玉是故周儲上哲師望稟而加裕漢

嗣政要深仁引園綺而昭德原夫太子宗祧是繫善惡之

際興亡斯在不勤于始會要作苟將悔于終是以是錯上

書令先通政術賈誼獻策務前知禮教竊惟皇太子玉裕

挺生金聲夙振明允篤誠之美孝友仁義之方皆挺自天

姿非勞審諭固以華夷仰德翔泳希風矣然則寢門視後篇

問膳已表於三朝藝宮論道宜弘於四術雖則春秋鼎盛

飭躬有漸實恐歲月易往惰業興譏後篇作志取適宴安

言唐書後從此始臣以愚短幸參侍從思廣離明輕願聞

徹不敢曲陳故事請以聖德言之伏惟陛下誕敷膺圖登

庸歷試多才多藝道著於匡時允武允文功成於纂祀萬

方即序九圍清晏尚且雖休勿休日慎一日求異聞於振

古勞眷思於當年乙夜觀書事高漢帝馬上披卷勤過魏

后陛下自勵如此而令太子優游棄日不習圖書臣所未

諭一也加以暫屏機務即寓雕蟲唐書紆唐書寶思於天文則

長河韜映摛玉字於仙札則霽唐書霞成彩固以錙銖萬

代冠冕政要作首冠百王屈宋不足以外堂鍾張何階於入室

陛下自好會要作好古如此而令太子悠然靜處不尋篇翰臣

所未諭二也陛下備該後篇衆藝唐書作歷獨秀寰中猶

晦天聰

唐書

俯詢凡識聽

後篇

朝之隙引見羣儒

會要并後篇作官

降以溫顏訪以今古故得朝廷是非里閭好惡凡有巨細

必關聽覽陛下自行唐書作好如此而令太子久入趨侍

不接正人臣所未論三也陛下若謂無益則何事勞神若

謂有成則宜申貽厥後茂而不急未見其可伏願俯惟政

推眷範訓及儲君授以良書娛之嘉客朝唐書披經史觀

成敗於前蹤晚接賓遊訪得失於當代間以書札繼以篇

章則日聞所未聞日見所未見副德逾後篇光羣生之福

也竊以良娣之選遍於中國仰惟聖旨本求內助防微慎

遠之慮固非羣下所測暨乎徵簡人物則與聘納相違監

撫二周未延一士愚謂內既如彼外亦宜然者恐招物議

將謂陛下重內而輕外也古之太子問安而退所以廣敬

於君父異宮而處所以分別於嫌疑今太子一侍天闈動

移旬朔師傅以下無由接見假令供奉有隙暫還東宮朝

謁政要既踈且政要事欣仰規諫之道固所未暇陛

下不可以親教宮家無因唐書以進言雖有具寮竟將何

補伏願俯循前躅稍抑下流弘遠大之規展師友之義則

離唐書徽克茂帝圖斯廣凡在黎元孰不慶賴太子溫良

恭儉聰明睿哲含靈所悉臣豈不知而淺識勤勤思効愚

衷者願滄溟益潤日月增華也云云

此篇 **卷重出今已削去**

論攝養表 太宗

岑文本

臣某言臣聞生者天之大德人者有生之最靈是以物無

大小咸愛其命人無貴賤咸貴其生故聖人弘全身之道

而能免於憂患賢者著養生之術而能終其壽考嵇康

有去導養得理以盡性命上獲千餘歲下可數百年而

皆不精故罕能得之又去夫爲稼於湯代偏有一溉之功
雖同焦爛必漑者後枯然則一溉之益不可誣矣誠哉斯
言實爲篤論但養生之術固非一途詳求至理語其大略
莫若順陰陽之序節寒溫之中何則人資陰陽以育俟寒
溫以成雖稟於五常而連類於萬物在春夏也萬物因而
生長人亦宜微受溫暖以豐其肌膚在秋冬也萬物因而
收成人亦宜微受寒涼以堅其筋骨是以貧賤之人皆順
其性而疾病者少富貴之人多違其真而疾病者多是知
春生夏長秋收冬藏此天道之大經也不順則無以爲天
下紀綱故日月四時之順不可失也仲長統曰百年者人
之常壽之上者也順四時節飲食適衣服遠聲色避災患
者濟上壽之常道至於吐故納新熊經鴟顧此乃山林之
術非廟堂所行養生之要唯斯而已竊惟帝王之位尊貴

斯極夏則複殿清暑長廡生寒金壘浮蟻無赫曦之色玉
饌含冰有淒涼之氣冬則溫室墜戶曲房掩軒前盈獸炭
輕扇可以在握躬御狐白微汗可以沾襟斯皆陰陽變易
寒溫過度雖適一時之性實乖四序之宜故荀卿曰喜怒
哀樂好惡必得其中所以養神也寒溫盈虛消息必得其
中所以養氣也寢興動靜屈伸必得其中所以養體也是
知攝生之道必在得宜況陛下憂勤之心勞於內豈可使
冬夏之節候虧於外哉伏願降日月之明覽賢聖之旨順
陰陽之序節寒溫之中則南山之壽更增於億年北極之
尊永固於萬國云云

諫五品已上妻犯姦不没官表 太宗 褚遂良

臣遂良言臣聞大聖文明必垂憲法使聽之者知善聞之
者自新謂之中刑而終久無蔽糠粃古昔而樹之風聲冠

蓋百王光茲至道伏惟陛下心記五車坐談千卷斷決機
務必先至理臣昨日伏見勅至門下五品已上官人妻及
女等有犯罪者並沒爲官婢夫犯惡逆始用此刑不然歷
代雜刑曾無此準聖主可以理干臣乞以一理敢煩天聽
夫禁穢防姦旣張羅網生民干犯必有其事今忽有三公
六尚書等官當重寄或有子數人半居文武而此三公六
尚書之婦忽犯姦淫披猖衢路沒爲官婢其夫旣耻其子
亦愧更何顏以在列亦無面以當官合門耻辱一時俱弃
至於九卿之室十二衛將軍之妻沒爲官婢夫豈不愧雖
有文武之幹珪璋之質朝廷之所嗤笑儕流之所指點自
貽伊戚理湏屏跡臣恐失諸人倫有從此起是以古者存
其大體而略其微細掩其家室而用其才能若沒其女亦
爲狼狽厥父與兄胡顏自處乞陛下審教化之本詳刑罰
之要臣甘從鼎鑊更請一言忽若郡王近親縣王密屬有
如此者若爲處置若沒爲官婢則非復國章若不爲懲則
同罪異罰臣詳案前載參驗當今輕敢思量實爲不可臣
荷陛下殊恩擢居近侍披跡庸流位班四品官高祿厚於
臣願足俛仰而無憊過從容而悅聖顏所以敢犯雷電獻
心惟宸者夙奉深恩願罄微節昔臣有慕汲黯而願其右
爲堯舜守茲愚誠欲崇主德雖則畏懼必冀陳聞伏願天
明一垂矜察陛下必以爲此事難容理須懲肅何可更付
近臣詳議增加其罪臣未敢出勅手執踟躕敢冒宸嚴伏
待刑憲

第二表

前人

臣遂良言昔人輸寫至誠必通幽顯是以落日迴光飛泉
上出臣丹心不著空祈聽覽擢臣之髮不足讎憊臣今月

五日詣虔化門進封表論五品以上官人妻及女等有犯罪者沒為官婢既未進旨下情惶懼臣又再三思量實為不可唯有身犯叛逆天下不容妻女等始合配沒自茲以往曾無此例若犯姦罪身即沒官不敬舅姑則依常律自非中刑不可為教至於一婦沒官其夫及子同宗合門有大羞辱見在朝者皆不可用郡王近親縣主密戚或有如此事並具前表夫帝王作典謂之利用恐其罪而化之不因其罪而利之不驚人心不與物議教民以善不為異罰自三皇以來二百餘帝禁止姦穢皆無此法至於明聖獨用此刑既慙古昔終塵德義然則刑為政教之用政為宗稷之本若再三如此天下依行臣恐政道因茲漸就流壞是以不避嚴誅更敢一請若即班行四方談議臣緘口不言罪合萬死執以陳聞伏俟刑憲謹言

請宮中眼花浪見不得輒奏表

前人

臣遂良言昔者聖人之於鬼神也聞之而不獨信知之而不專恃是以顓頊依於鬼神制之以正不懼驚異增修仁德孔子不語恠力亂神伏惟陛下氣蓋區中威移海外擁百萬之陣頓九夷之顓自書史所載未之前聞夫人歡樂則意氣高悲哀則膽力少自不可信茲訛惑轉移常操而宮中嬪列謂之婦人恆弱周章眼花浪見更相恐懼動一驚百雖有孟賁壯志孔翟精誠終不免聽之心疑聞之意動變異之來具諸前志自須制之以真正厲之以安靜謂之為吉則為變謂之為祥則為嘉如臣愚見宜勅宮中眼花浪見不得報告傍人更相恐動亦不得專輒奏聞如此而不安然臣受死罪臣謹錄前載所見皆為吉慶事具別狀以聞

諫東宮物少於魏府長表

通鑑在貞觀十六年
政要作十三年前人

臣遂良言昔聖人制禮尊嫡卑庶謂之儲君道亞霄極其為崇重用物不計泉貨財帛與王者共之庶子體卑不得為例所以塞嫌疑之漸除禍亂之源而先王必本人情然後制法知有國家必有嫡庶然庶子雖愛不得超越嫡子正體特須尊崇如當親者踈當尊者卑二句一作不能明立定於則佞巧之姦承機而動私恩容分舊唐書作害公或至亂國伏惟陛下功超邃古道冠百王發號施令為世作法一日萬機未盡其美唐書作武未盡美臣職在諫諍無容靜嘿伏見東宮料物歲得四萬段付市貨賣凡直一萬一千貫魏府別州封及廩物一年凡直一萬六千貫此便儲后俸料翻少於諸藩唐書王作魏朝野聞見以為非是唐書作不以為是陛下往年行幸自洛陽還太子於關首獻食家令無物可用遂內出綾綵貨充鼎

實預是宮臣誰不聞見陛下必以為魏府支用見不足人多費廣此理可通然則至於儲君更宜增益臣謹按漢明帝披輿地圖等諸國戶口諸子租歲不過二千萬明德馬后為言亦不偏得此方防其嗜慾節其驕恣伏願陛下頗擇漢世弘無偏儲君之用微附古者然晉王陛下親自撫養至於成立上聖深慈偏所鍾愛傳曰臣聞愛子教之以義方忠孝恭儉義方之謂國家於東宮略同魏府即日所覩未有殊別語其將來不可不慮若多其室宇唯欲崇高賜以金貝使其盈積家人多於餘國良馬超於列藩王成童之年已得如此長世已後嗜慾方生歲增則欣喜微減則失意財多則溢罕有克全寵祿過驕安能自濟昔漢竇太后及景帝遂驕恣梁孝王封四十餘城苑方二百里大治宮室復道彌望財巨萬計入警言出蹕小不得意發病而死

宣帝亦驕恣淮陽憲王幾至放敗輔以退讓之臣僅乃獲免伏願陛下四字唐書王既新出閭恒存禮制改要作訓言

提其耳且示節儉自可在後月加歲增愛子豈慮不足微

臣庸暗不知大體所有管見願悉言之特願天明曲垂省

覽即日諸王僚佐皆選上才或幹職有餘識見猶闕莫不

誘王財賄偏曲聞奏他王皆不得我王獨得之以此自矜

以茲為美即日僚佐率多如此愚臣所見特謂不然傳曰

上之化下如風之靡草也則眾人萬語不及陛下一言能

成就保全唯在陛下留意子弟置嚴師傅或諸王之國帝

弟歸藩何嘗不德音懇切示其成敗此皆皇唐美制以為

稱首諸王尊奉則無憊失然則芻蕘之說更有可觀愚臣

千慮或一可採伏願陛下廣加教喻他王皆求請有一王

獨三足陛下則崇賞之他王皆戲有一王獨愛學陛下則

崇賞之他王好獵有一王獨不遊陛下則崇賞之他王皆

營作有一王獨靜處陛下則崇賞之上好之則下為之上

賞之則下趨之雕琢諸王皆成退素如斯陷敗臣所不聞

薰風所扇日馳千里既教唐書之以謙儉又勸之以文學

惟忠惟孝因而獎之道德齊禮乃為良器此所謂聖人之

教不肅而成者也臣以不才叨居諫職甘從鼎鑊輕敢以

聞煩謙之憊伏增戰懼

漢世太宗時二名不偏諱

諫欲觀起居紀錄表太宗朱子奢貞觀

臣子奢言今月十六日陛下出聖旨發德音以起居紀錄

書帝王臧否前代但藏之官人主不見今欲親自臨覽用

知得失愚以為聖德在躬舉無過事史官所述義歸盡善

陛下獨覽起居於事無失若以此法傳示子孫竊有未喻

大唐雖七百之祚天命無改至於曾玄已後或非上智但

中主庸君飾非護短見時史直辭極陳善惡未必省躬罪
己唯當致怨史官但君上尊嚴臣下卑賤有一於此何地
逃刑既不能朱雲廷折董狐無隱排霜觸電無顧死亡唯
應希風順旨全身遠害悠悠千載何所聞乎所以前代不
觀蓋爲此也其或有未允謹以奏聞伏待刑憲

文苑英華卷第六百二十三

登仕郎胡 柯 鄉貢進士彭 叔夏 校正

雜諫論二

諫農時出使表一首

為河內王論功表一首

論天官秋官及理匭使愆失表一首

論災異表一首

論則天不宜合葬乾陵表一首

論李多祚充夾侍表一首

諫中宗皇帝請內朝西宮表一首

論別宅女婦入宮表二首

論太廟屋壞請脩德表一首

為從叔鴻臚少卿論早請掩骼埋胔表一首

諫拜陵寢早表一首

江南府奏論驛馬表一首

諫農時出使表

高宗

劉思立

臣思立言臣伏見河南河北旱儉勅遣御史中丞崔謚給

事中劉景先分往

道一作

存問兼量事賑貸竊以水旱流行

古今代有不專示責

昔一作

亦以戒盈伏惟天皇德越堯湯

恩隆父母纔逢殊候即軼冲襟但謂聖人隔於九重不知

皇心遍於四海所以分道出使量事優矜曲成賙給特加

存問誠非愚闇所合名言然芻蕘之情尚有未達敢獻狂

直乞垂省覽何者麥序方秋蠶功未及

畢一作

三時之務

萬姓所先勅使撫巡人皆悚抃忘其家業冀此天恩踴躍

來

一作

迎必難抑止集眾

眾英華作

既廣妨廢亦多加以

途程往還兼之晨夕停止

帶一作

設遣物去決不盡還况宣

問須見眾人賑給須作文簿少處猶經兩月多處必更淹

延都計所歷州縣煩擾不可勝紀又一使之下凡有一十

六人并馱所須惣乘一馬無驛之處湏動公私簡弱取強

非五十匹不可禁馬之所求覓甚難使人欲來必須預追

簡擇兩後農要唐書特切常情暫廢湏吏即虧歲計每為一馬遂勞數家從此相乘恐更滋甚又刺史縣令委任不輕准勅責成合稱明旨用倉給戶不足為難且令賑貸庶免飢乏若湏出使褒貶請待秋後閑時臣備位憲司不敢不奏云云

一作舊唐書劉憲傳

為河內王武懿宗論功表武后

臣懿宗言伏奉某月日制書錄臣等在軍微功將加勲封嘉命聿至寵靈載優伏對慙殞魂守顛越臣某中謝臣聞古者名將先士卒而後身故其功勳末世庸將窮人力以寵已故其政乖然則單醪投河三軍告醉刑印在手萬夫以失與眾共功專以獨利成敗之紀興亡繼焉賞者國之大柄不可忽焉日者林胡構孽敢亂邊陲陛下徵義兵誅不道天下士眾焱集星馳皆忘身憂國紆禍却難至於窮矢石血草莽冒艱險歷寒温氣騰青雲精貫白日誠亦勤矣雖則聖靈威遠逆虜自滅然士卒戮力亦盡其勞今大功未酬眾議猶在而臣等駑怯猥加先封臣不能折衝虜庭還師社席今坐加第一茅土之賜以先將士之勤使鶡冠虎譚臣將何以勸今戰夫留滯於外府軍吏咨嗟於下寮臣等胡顏敢冒天造夫賞一勸百猶恐未孚利一沮萬其弊誰救爵命不可以招謗國章不可以假人伏願俯迴天光照登軍禮請以臣前件勲封迴授征戰之人及立功將士等上以明國之大賞下以知臣等謬功使人悅忘勞士感知死然後兵可訓勵士可誅屠此誠國之元經不可苟而利者臣等不勝區區悚迫之至

論天官秋官及理匭使愆失表武后 徐有功

臣有功言自陛下即位已來海內官舊唐書本傳作職 貞一定而

天下選人漸多掌選之曹用捨不平補擬乖次應留即放

應放翻留囑請公行顏面罔懼遂使囂謗滿路怨讟盈朝

浸以為常殊無愧憚又往屬揚豫構禍唐書作唐時多逆

節鞫訊結斷刑獄至嚴革命而唐書來載祀遽積餘風未

殄用法猶深今推鞫者猶行酷法不依律文妄稱異端虛

立證據構為罪狀捨法用情格律昭然無心遵奉斷事則

不依款占不據條章狀表生情法外構理率心任意輕重

自由天下稱冤莫不緣此陛下九重嚴祕萬機事揔何能

一一躬覽事事親詳近臣畏罪而不言大臣重祿而不奏

遂令刻薄之吏弊法未悛士子朝臣屏氣累息皆不自保

恐墜網羅又陛下所令朝堂受表設匭投狀空有其名竟

無其實並不能正直各自防閑延引歲時拖曳來去叫閤

不達撾鼓不聞抱恨銜恩吁嗟而已至誠所感和氣必傷

豈不由受委任者不副天心是陛下務欲使申其寃是有

司務在增重其枉塵垢聖德隱蔽宸聰者是臣等不勝死

罪死罪臣今請考選官銓注不平致令在外怨讟者臣即

察訪糾而彈之獲其曲狀望貶考奪祿以愧其心罪仍依

法其刑獄推斷之官有行酷法妄加詰斷臣即按驗奏而

劾之獲其枉狀請即付法斷罪亦準前條奪祿貶考以懲

其德其三司受表及理匭申寃使不速與奪致令擁滯唐書

有理不為申者亦望準前彈奏貶考奪祿凡在百僚咸蒙

委任君臣之際義在無猜寄託之隆無過考選令人監視

全無付信徒為證見翻使有詞不如每事委之使臣得搖

霜筆其監考選御史望請惣停然臣昔處法司緣蒙擢用

臣愚無以上答至造願以執法酬恩無縱詭隨不避強禦

猛噬鷙擊是臣之分如天恩允臣所奏請降勅施行庶不

越旬時亦可以除殘革弊刑措不用天下幸甚

論災異表

已見六百二十卷 武后

張說

論則天不宜合葬乾陵表

中宗

嚴善思

名譔以字行

臣謹按天元房錄葬法云尊者先葬卑者不合於後開入

臣聞葬一無此三字則天太后卑於天皇大帝今欲開乾陵合葬

即是以卑動尊事既不經恐不一作非安穩臣又聞乾陵玄宮

一作闕新其門以石關閉一作塞其石縫隙鑄鐵以固其中

今若開陵必須鑄鑿然以神明之道體尚幽玄今乃動眾

加功誠恐多所驚黷又若別開門道以入玄宮即往者葬

時神位先定今更改作為害益深又以修築乾陵之後國

頻有難遂至則天太后權惣萬機二十餘年其難始定今

乃更加營作伏恐還有難生但合葬非古著在禮經緣情

為用固無定準一作無足依準況今事有不安豈可復循斯制伏

見漢時諸陵皇后多不合葬魏晉已降始有合者然以兩

漢積年向餘四百魏晉之後祚皆不長雖受命應期有因

天假然以循機享德亦在時文但陵墓所安必須一作資勝

地後胤嗣續一作胤嗣用託靈根或有不妥後嗣固一作亦難

長享伏望依漢朝之故事改魏晉之類網於乾陵之傍更

擇吉地取生墓之法別起一陵既得從葬之儀又成固本

之業臣伏以合葬者緣人一作緣人私情不合者前循一作故

事若以神道有知幽途自得通會若以死者無知合之復

有何益然以山川精氣上為星象若葬得其所則神安後

昌若葬失其儀則神危後損所以先哲垂範具立一作葬

經欲使生人之道必安死者之神永一作必泰伏望少迴天

眷俯鑒覽一作臣言行古昔之明規制一作私情之愛欲使

社稷長享天下乂安凡在懷生孰不慶幸

一作皆舊唐書本傳

諫李多祚充夾侍表 中宗

王覲 見舊唐書李多祚傳

臣覲言竊惟祔廟之禮在於尊祖奉先肅事之儀豈猷惟親與德伏見恩勅令安國相王與李多祚共唐書乘且多祚夷人有功於國適可加之寵爵豈宜逼奉至尊將唐書帝弟而連衡與吾君而共輦誠恐萬方之人不允所望昔文帝引趙談參乘袁盎伏車前曰臣聞天子所共乘輿唐書六尺輦者皆天下豪英今漢雖乏人陛下獨奈何與刀鋸之餘共載於是斤而下之多祚雖無趙談之累亦非卿相之重不自循省無聞固讓豈國之良輔更無其人史官所書將示於後何袁盎之強諫獨微臣之不及惟陛下詳擇焉

諫中宗皇帝請內朝西宮表

盧懷慎

臣懷慎言臣聞書曰亶聰明作元后元后作人父母伏惟陛下敬順昊天為人父母人之手交於孝乎故曰夫

手交

文苑本百廿四

五

逾

孝者天之經地之義人之本也是陛下躬率此道為天下先每十日朝西宮式展親親之義故得萬國之歡心者實惟陛下孝理天下也臣竊不揆頗聞於師王者必深居而高視用以表其嚴重也其將動未嘗不清道而後發昇車而後引出有警入有蹕用備其周衛也今陛下再立乾坤重安社稷克定中興之業務弘大孝之端率禮因心臣何敢預然陛下臣之君父也夫為臣子者得不欲盡忠孝乎忠孝之事臣安敢讓也固知言出必死亦所無辭臣死罪死罪臣聞昔者漢祖受命五日一朝太公於櫟陽宮今日陛下豈不欲為比一作乎臣度其事業與此有異夫漢祖起布衣登皇極子有天下尊歸於父母故行於此耳今陛下守文繼統嗣武開基奉三聖之休烈當千齡之寶命順天立極蓋曰其常不知何為更用此道遠自三五洎乎夏

殷聖帝明王臣所覽見未有用此者陛下安所取則哉臣聞事不師古匪說攸聞禮煩則黷抑有其義況應天去提象纜至二里餘騎不得成列車不得方軌於茲屢出假愚人萬有犯屬車之塵者陛下雖罪之何及縱使萬全亦非重慎之道也且唐之寶命繼在陛下雖欲自忽其若社稷何其若宗廟何頃三衛仗中路相失一有當時驚動聖聽臣等空知待死臣死罪死罪望陛下從今已後遵其內朝一則有暢於溫清二則無煩於出入敬慎之道誰曰不然必以長至在辰元正布曆應天納祐行慶有期則願陛下備法駕周羽儀然後出朝亦天下大禮也居常之日竊願陛下思之臣本書生叨榮執簡輒薦芻蕘之議願申犬馬之誠特乞天恩察其愚懇無任慙款之至謹詣閣奉表以聞

論別宅女婦入宮表

張廷珪 開元中

臣廷珪言昨奉進止別宅女婦皆遣入宮勅至黃門臣已執奏停寢數日宰相重宣陛下以人廢言未蒙允納密旨增峻制獄益嚴事相牽聯重有追掩竊聞輿議足以傷心或母子生離或男女永隔冤酷之至有甚於死方春德澤萬物昭蘇豈獨斯人不霑雨露一傷和氣恐沮聖恩況所進宮人皆非婉麗陛下容易將入下人迫脅而行不作無益害有益臣必知其然矣又陛下至明之君當比德於上皇豈校跡於中古況春秋鼎盛慶祚無窮樹德將逮於千年臣尚謂少行事儻乖於一物臣竊有疑且臣位在黃門年高白首常恐寵祿過厚顛墜微躬何所覲覲輒有干議伏以遭逢昌運沐浴湛恩如不披心竭誠無乃希旨苟免六合雖廣取容何地不勝愚懇之至謹重昧死奏聞伏願

曲留天鑒少垂矜采

第二表

前人

臣廷珪言檢貞觀永徽故事婦人犯私並無入宮之例準
天授二年有勅京師神都婦女犯姦先決杖六十配入掖
庭至太極修格已從除削唯決杖六十仍依法科罪今不
依貞觀永徽典故又捨太極憲章而依天授之法臣愚竊
將一作謂未便且法令者舉天下共之者也君不可失之於
上臣不可違之於下如或失之於上則無以御下矣如或
違之於下則無以事上矣所以古之聖人垂範作式懸諸
象魏銘於景鍾昭示萬方期於畫一由是法有定禁時無
濫刑化致邕和俗登仁壽鸞鳳巢閣騏驎在郊膏露浮甘
卿雲布彩方今聖道包於天地仁恩浹於品物明無不燭
聰無不聽時康俗泰遠肅邇安豈可升平之朝而行未令
之罰臣之愚鄙伏深疑懼無任懇迫之極謹昧死重連正
勅奏聞特乞天恩曲垂矜鑒得令別宅女婦等各准法處
分率土蒼生幸甚如允臣所請仍望便停今勅內宣降進止
論太廟屋壞請脩德表 玄宗
褚無量 開元五年

臣聞尚書鴻範傳云王者陰盛陽微則先祖見其變昔成
湯遇旱引事自責去女謁盛耶今則太廟毀壞即是先祖
示變後宮衆多即是陰盛陽微伏請後宮之中非所幸者
親享之後簡出少應其變則上答先祖必災異自消昔殷
帝武丁祭成湯有飛雉升鼎耳而雊武丁憂懼問其臣祖
乙祖乙曰王勿憂先修政事武丁乃修政行德殷道復興
昔太戊之時桑穀二木共生於朝一暮大拱此不恭之罪
也太戊修德桑穀自消昔周成王之時周公輔政二叔流
言秋大熟未獲天大雷電以風禾則盡偃大木斯拔邦人

大恐王乃與大夫盡出郊天乃返風禾則盡起歲則大熟昔宋景公之時熒惑守心景公問之司星子韋對曰禍在君可移於相公曰宰相所與共理國也曰移於人公曰人死誰為君曰移於歲公曰乏食人必死子韋曰天處高而聽卑君有至德之言三必三賞熒惑果徙三舍至漢之文景並獻明天子也亦災異繼起修德行政其名益光愚又竊聞左右近臣妄奏去國家太廟其材木是符堅時舊殿臣按括地志去隋文帝創立新都移宇文朝故殿改造此廟元非符堅及宇文氏所作也況國家隋文帝貴為天子富有四海豈復遽取符堅之舊殿以充太廟者乎此則言偽而辨殊不足採納伏願精選舉用賢良節奢靡輕賦稅繼絕代慎刑罰納諫爭察諂諛夫賢良任用則能興化致理矣節奢靡則不恣耳目之欲清靜之風行矣輕賦稅則下人樂以奉上不困窮矣繼絕代則崇德報功有勸沮矣慎刑罰則寬猛相濟不濫罰矣納諫諍則日聞已過人竭忠矣察諂諛則君子道長無邪僻矣非禮勿動順時行令夫如是則人和人和則氣和氣和則天地和矣天地和會災異自消伏願陛下虔奉神心兢謹天誡幸甚

為從叔鴻臚少卿論旱請掩骼埋胔表

太宗 蕭穎士

臣言臣聞事君之義有犯無隱故心苟所至願必上聞所以罄露塵消禪助山海則匪躬之節著致主之情竭矣臣實無庸志業非遠幸逢明聖累忝驅策位登四品官亞九卿叨竊已多答効無紀常願剗肝碎骨仰報於天此臣景行前修悃款終夕不能已也臣某謝臣聞諸傳曰天災流行國家代有雖升平之代秉哲之君禮義不愆刑罰斯中而適當其際化理不回故商武受命之賢王周宣中

興之令主桑林未禱金石以銷禮其大統則陰陽之數義實固然推其至理則時事之端政乖取此誠細有所遺驗諸方志昭然可辨雖日月薄蝕無損於明而宵旰兢懷未喻其道良足惜也伏惟開元聖文神武皇帝陛下道格上蒼功深下濟叶兩儀之高厚等四序之運行告成岱宗而靈響聿應展禮農籍而嘉禾實穎丞丞過於虞后翼翼邁於周文故玄祖契會昌之符蒼生踐仁壽之域臣竊觀圖謀所記生靈以來巍巍赫赫未有如聖朝之盛者也而水旱小數時或憊和一旬不雨仍延聖慮臣竊以殷周之事考之斯可得而言矣臣聞道德經曰大軍之後必有凶年論語亦曰因之以師旅加之以饑饉蓋去曝骨中原感動和氣疢癘是作災害用生故強死之魂傳稱為鬼積尸之氣禮有驅除不徒言也臣竊觀成湯之受命也前有伐葛之役後有升陟之師凡七十二征而天下服故其詩曰武王載旆有虔秉鉞如火烈烈莫我敢遏宣王之中興也亦南征淮甸北伐太原外攘戎狄復文武之士故其詩曰六月棲棲戎車旣飭四牡騤騤載是常服則二主用師而定也明矣未聞有岐昌掩骼之政秦穆封尸之令旱暵之故不亦宜乎不然則月令孟春之命一作掩骼埋胔周禮蜡人職掌九國融禁埋而置楬焉豈虛設也臣聞之五材並用誰能去兵小則施諸市朝大則陳諸原野我國家橐鞬理定十紀于斯陛下重之以懷柔申之以靈武三韓左衽夷於郡縣六狄解辨願為臣妾詩書所載未之聞也而西戎醜類尚興芄野之師東胡噍餘猶倣柳城之戍陛下爰整其旅弔厥匪人雖有征無戰不聞遺鏃之矢而恃險與馬猶積抗輪之斃故血膏草莽骸聚丘山史不絕書士

有餘勇以為常矣臣又聞之帝王者則天而法地長物以子人如天之無不壽如地之無不載故天地無遺人雖古先哲王內諸華而外夷狄亦去要服者貢荒服者王聲教所加于一揆所以伐其叛而柔其服重其生而哀其死詩曰普天之下莫非王土書曰丕冒海隅莫不率俾此之謂也頃春之季恒陽小憇宿麥未登首種不入賴陛下憂勞日具以萬物為心天且不違應如影響閏月去暮時雨滂流我田我私既浹祁祁之澤彼黍彼稷方成油油之稼此天慶陛下至誠一作人感陛下深矣而密雲未灑忽復二旬時屬炎蒸土仍滌漉元元之望又加于茲昔燕祠寡婦延闔境之潤漢察冤囚致隨車之雨一作澤今陛下當措刑之代濟必封之眚吏不苛刻人無怨訴憊亢之由有異於彼愚臣不敏一有輒字竊有所見謂宜分遣制使往校邊庭凡戰陣之處骸骨所在即時埋掩仍施厲禁則儀刑萬國仁洽九泉存亡均雨露之恩華夷同日月之照庶膏液與聖私齊運旱苗將朽骨俱榮不任去表

諫拜陵侵早表

劉彤

臣彤言陛下明發不寐展敬山陵朝拜之時必候清曉此誠孝思罔極求諸幽明之弘義也將事發軔路猶曠黑紅塵四合白刃交馳往來不相知左右不相識假令有敗車逸馬枯木朽株則變在不虞患生所忽不可輕也愚臣淺識實以愚迫伏願慮及細微以安宗社拜陵之日必候朝光則九百歡心普天幸甚臣某去表

河南府奏論驛馬表

臣某言今日中使魏光勝至伏奉手詔當管每驛更加添鞍馬不得停留往來使命者伏以所到郵傳以備急

宣由臣政術無方致令馬畜有關忽奉恩詔憂惶失圖臣
某謝中臣伏以當府重務無過驛馬臣到官之日惟此是圖
雖收市百端死損相繼蓋緣府界闊遠山谷重深自春多
雨馬蹄又軟驅馳石路斃踣實多比於陝號已西及汝鄭
等處道路稍異日夜倍憂又西自永寧東自汜水南到臨
汝北達河陽正驛都管一十六所常加填備動以欠闕此
皆以臣無政術上軫聖心跼地躋天詩躋天不足所處臣今
分遣官吏稍加價錢兼令外求冀免有關臣某謝又盧會
昌到日臣謹依詔旨差人領送上都無任懇迫惶懼之至

文苑英華卷第六百二十四

登仕郎胡 柯 鄉貢進士彭 叔夏 校正

雜諫論三

論鹽鐵表一首

為田神玉謝不許赴上都護喪表一首

論裴延齡表二首

論追制表一首

諫請不用奸臣表三首

夔州論利害表一首

論利害表一首

為濮陽公論皇太子表一首

諫中官打人表一首

為集賢崔相公論京兆除授表一首

論鹽鐵表

劉彤

臣聞國之興衰在人不在天政之理亂在變不在習故殷辛失道雖得歲而亡齊相反經雖改法而霸此則神而明之存乎其人之明效也是以五帝不相襲禮三王不相沿

樂者豈祖孫父子苟欲殊其業耶誠代異乎宜而時有所

適不得已而然耳故能功格天地道濟生人三五而來未

聞有弊而不遷以之長世唐諱者也國家承亡隋一作百二之季開

累聖之業至於憲章彝典立教垂訓一作統可謂詳矣然猶

倉廩未實流庸未還俗困兼并人嗟杼軸者所謂能適道

矣而未能權積習之見不迴而隨時之宜未得故也臣聞漢

之五葉孝武為政一廐馬三十萬疋後宮數千萬貢禹傳孝武取好女

數千人以填後宮萬字疑衍人外討戎夷內興宮室殫費之甚實百當今然

而古費多而貨有餘今用少而財不足者何也豈非古取

山澤而今取貧人哉取山澤則公利厚而人歸於農取貧

人則公利薄而人去其業此所以古今不一贏餘相懸故

先王之作法也山海有官虞衡有職輕重有術禁發有時

一則專農二則饒國濟人盛事也臣實謂當今宜之夫養

海為鹽採山鑄金伐木為室者豐餘之輩也寒而無衣飢而無食傭賃自資者窮苦之流也若能求山海厚利奪農餘之人輕調徭役免窮苦之子所謂損有餘而益不足帝王之道可不然乎臣願陛下詔鹽鐵木等官收與利貨買遷於人則不及數年府有餘儲矣然後下寬貸之令蠲窮獨之徭可以惠群生可以柔荒服討百蠻不憂千金之費懷萬國自有三錫之饒雖戎狄降附堯湯水旱無足虞也如此則成康刑措而頌聲作臣愚易之臣聞可與守樂一作成而難與慮始者常情是也陛下若允臣愚計便付有司則恐由習常就之無日伏請付中書門下令妙擇才幹委以使車則愚臣所獻儻裨萬一奉天適變惟在陛下行之為田神玉謝不許赴上都護喪表

此篇當在五百九十七卷喪葬門今已移入姑存其目

論裴延齡表 德宗

元稹

按陸贄貞元十年表元稹元和元年除拾遺相去十一年二表決非稹作集亦無之

臣某言臣昨二十五日宰臣伏宣聖旨以陸贄貶官罪狀不可書於詔命陛下慈仁愛人恩宥愚直仍今後有所見得以上聞臣忝職諫司不勝大幸臣等前所上表言陸贄等得罪之由起於讒構此皆延齡每自昌言以弄威寵及奉宣示姦詐乃明陸贄久在禁垣復典樞要今之譴責固出聖衷竊以李充勵志卹人勤身奉職惠愛之化洽於細微頃以公事之間與延齡相敵未貶之月延齡亦以語人讒構之端羣情是惑臣聞大臣之體出於讒辭安可持密勿之言為忿怒之柄朝廷側目遠邇搖心百官素不能親附延齡者屏氣私門不知自保陛下聖德下照物無所遺豈獨厚於一夫而乃薄於天下伏惟發誠謹中官備問閤

里有言延齡無罪李充有過臣實微眇敢逃天誅李充覆
族亡家於臣何害事關大本不敢自私延齡姦計萬殊方
司邦賦必能公用財賄陰結匪人則他時之過彰聞路絕
伏以貞觀遺訓日經宸心去其邪謀以慰天下幸甚幸甚
臣不勝懇迫之至

同前 德宗

前人

臣某言間者陛下親授臣以直言之詔又命臣以言責之
官奉職以來未嘗忘死誓將忠懇上荅鎔造竊以裴延齡
虧損聖德瀆亂典章逞其心欲以蝥毒黎元恣其苛刻以
動搖邊鄙弄陛下爵位以公授私人盜陛下威權以誘脅
忠善賢愚注耳朝野同辭臣固不敢飾其繁文再擾聰明
所以晝夜感憤不能自寧者以陛下執刑賞之柄不借在
人延齡狡詐公行曾不為念伏見去年十二月五日勅度
支計管李玘配流潘州張勛配流崖州仍各決六十斯則
延齡自快怒心曲遂其狀陛下聽之以誠謂為當舉峻其
所罰用直群司罪名及加冤聲大振陛下深鑒其事詔命
中留曾不旬朝馳聞海內使遠方之人疑陛下明有所擁
令無必行姦以陷君孰任其咎儻二人獨決延齡之手死
不得言化理之失豈不重乎陛下常以登聞之鼓置之于
庭必欲人情纖微不滯於外比來或事繫度支銜冤上訴
皆不即驗問盡付延齡縲囚衣冠攘奪孤賤身不足償其
怒家無以應其求怨痛內絨誰與為理矧繳盈路動而見
拘咫尺天門不敢上訴延齡之威益熾疲人之苦日深陛
下必以延齡為賢言者皆妄不若明白其罪昭示萬方使
延齡無辜辨之何害儻兇惡滋蔓鬱於人心決之不時所
傷豈細臣實寒心銷肉用是為憂伏惟俯降聖情召臣問

狀有一非據罪在面欺臣不勝迫切之至

論追制表 憲宗

元稹

臣某言臣聞令之必行於下者集作必於行之者信也令苟不信患

莫大焉今陛下初臨寓內務切黎元至於牧守字人之官

所宜詳擇苟未得人不當虛授苟或任使不可屢遷臣竊

見近除寧州刺史論係虔州刺史高弘本通州刺史豆盧

靖曾不涉旬並已追制又以杜兼為蘇州刺史行未半途

復改郎署臣不知誰請於陛下而授之誰請於陛下而追

之追之是則授之非授之是則追之非以非為是者罰必

加然後人不敢輕其舉以是為非者罪必及然後下不敢

用其私此先王所以不令而人從不言而人信豈異事哉

率是道也今陛下如綸之令朝降反汗之詔夕施紛紛紜

紜無所歸咎臣竊恐陛下之令未能取信於朝廷而況取

信於天下乎臣伏願陛下徭舉者之詞察追者之請若舉

者之詞直則請而追之者不得無過若追者之理勝則舉

而授之者不得無辜賞罰是非所宜明當況陛下肇臨黎

庶教化惟新誥令之間四方所仰小有得失天下必聞臣

實庸庸愚謬居諫列職當言言具不敢偷安苟有所補集作禱萬

死無恨無任愚迫懇款之至謹詣東上閣門奉表以聞

諫請不用姦臣表 穆宗

裴度

臣度言臣聞主聖臣直今既遇聖主輒為直臣上荅殊私

下塞群望一作謗誓除國蠹無以家為苟獻替之可行何性

命之足惜臣某謝伏惟文武孝德皇帝陛下纂一作承丕

業光啓雄圖方殄頑人之風以立太平之事而逆豎構亂

震驚山東姦臣作朋撓亂集作敗國政陛下欲掃蕩幽鎮先

宜肅清朝廷何者為患有大小議事有先後河朔逆賊只

亂山東禁闡奸臣必亂天下是則河朔患小禁闡患大小

者臣等與諸道戎臣必能剪滅大者非陛下制斷非陛下

覺悟無計驅除今文武百寮中外萬品有心者無不憤忿

集作有口者無不咨嗟直以威權方重獎用方深有所畏

集作避不敢抵觸恐事未行而禍已及不為國計且為身

計謀耳臣比者猶懷思一作隱忍不願發明一則以罪惡

如山怨謗如雷伏料聖君明一作必自誅殛一則以四方無

事萬樞且過雖紀綱潛壞賄賂公行待侯一作其貫盈必自

顛覆今屬凶徒擾攘宸衷憂軫凡有制命繫計一作於安危

痛此奸臣邪一作恣其欺罔干亂聖略非止一途又與翰苑

近舊一作臣結為朋黨集作陛下聽其所說則必訪於近臣

不知近臣已先私一作計會更唱迭和蔽惑聰明所以臣自兵興

以來所陳章疏皆是至切一作事所奉集作書詔多有參差

蒙一作陛下委寄之意不輕被奸臣抑損之事不少臣所

與素一作佞倖亦無讎嫌祇是昨者臣請乘傳詣闕面陳戎

事奸臣之黨徒一作最所畏懼知臣若到御座之前必能悉

數其罪過一作以此百計止臣此行臣又請領兵齊眾進一作

逐便討賊攻一作奸臣之黨尤所曲一作加阻礙恐臣統率諸道

或有成功進退皆受羈牽集作意見悉遭杜蔽一作塞復恐

三人險狡一作復同辭合力或令兩道招撫逗留旬時

或遣集作州行營拖拽日月但欲集作令臣失所使臣

無成則天下理亂山東勝負悉不顧矣為臣事君一至於

此且陛下前後左右忠良至多亦有熟會典章亦有飽諳

師旅足得任使何獨斯人以臣愚見若朝中姦臣盡去則

河北逆賊不討而自平若朝中姦臣盡尚一作在則河朔逆

賊雖平益熾平一作無巨伏讀國史知集作代宗之朝蕃戎

侵軼直至畿甸

一作直犯都城

代宗不知蓋被程元振壅

一作蔽

幾危社稷當時柳伋乃太常一博士耳猶抗表歸罪為國

除害今臣所任兼惣將相豈可坐觀兇邪有曠日月臣不

勝感恩一作憤嫉惡之至謹附中使趙奉國奉表以聞儻陛

下未甚信臣一作信忠猶惑奸黨伏乞出臣此表令三事大

夫與百寮集議彼不受責臣合仗辜天鑒孔一作明照臣

肝血但得天下之人知臣不負陛下則臣雖死之日猶生

之年

一作比見舊唐書本傳

第二表

集作狀

前人

臣某言臣聞木有蠹蟲其木必壞國有奸臣其國必亂伏

以前件人為蠹為奸欺下罔上百辟卿士莫不知名集作

指若不竄逐必為患難陛下雖一作他時追悔亦恐無及臣

所以奮不顧身舉明罪惡其第一表第二狀伏恐聖意含

弘留中不行臣謹再寫重進伏乞聖恩宣出令文武百寮

於朝堂集議必以臣表狀虛謬抵誤權倖伏望更加譴責

以謝弘簡元稹如弘簡元稹等實為朋黨實蔽聖聰實是

奸邪實作威福伏望議事定刑以謝天下臣今將赴行營

誓除集作誅兇寇而憂在心腹不在四支憂在朝堂一作廷不

在河朔伏感諸葛亮出師之時上表言事猶以宮中府中

不集作合宜同異科犯為善為惡請申刑賞臣才雖不逮諸

葛亮心有慕於古人昧死聞天仗紙流汗

同前

白居易

臣某言臣聞主聖臣忠聖主既明臣輒獻至忠之誠上理

國之典下去邪之疑伏望陛下納臣之諫則海隅蒼生兵

屯咸偃無大臣之諫則國必敗有大臣之諫則國必安非

元稹之憊其事有實亦不虛矣矯詐亂邪實元稹之過朝

廷俱惡卿士同寃裴度論議之謀陛下已令獎度之勲
不允所請理已為乖今陛下含忍不為竄逐處之台司同
議國典天下人心無不惶戰何執元稹之言居度散司之
職且同議裴度令功業今代一人卿侯士庶無不同惜今
天下欽度者多奉稹者少陛下不念其功何忍信其姦臣
之論况裴度有平蔡之功元稹有囂軒之過東都留守誠
即清閑大勞之功不合居於散地伏望陛下聖恩照明無
執矯言伏乞追裴度別議寵榮臣素與元稹志疑作交
不欲發明伏以大臣沉屈不利於國方斷往日之交以存
國章之政臣等職當諫列不敢不奏謹奉表以聞無任兢
迫戰切之極瞻望迴恩天下同慶云云

元白不替方元傾裴時白不在諫列文既

不應集

夔州論利害表

劉禹錫

臣某言伏準元和十二年四月十八日勅諸州刺史如有
利害可言者不限時節任自上表聞奏者臣伏見貞觀中
詔許羣臣各上書言利便馬周時一布衣遂因中郎將常
何獻策二十餘事太宗深奇之盡行其言擢周為御史有
二稹字行至龍朔中壁州刺史鄧弘慶進平索看精四字堪為
酒令高宗嘉之亦行其言遷弘慶為朗州刺史則知苟有
所見雖布衣之賤遠守之微亦可施用况臣早受國恩德
宗朝忝為御史逮今歷事四聖集作頻領藩條當陛下至
明之時是微臣竭節之日伏以守在遐郡不敢廣有所陳
謹準勅上利害及當州公務各具別狀奏集作聞伏乞聖
慈俯賜昭鑒無任

論利害表

前人

臣某言伏準今年正月五日德音宜令諸道觀察使刺史各具當處利害附驛以聞者伏惟皇帝陛下睿哲自天績承列聖善述先志發揚德音率土人臣不勝慶幸臣虔奉詔旨宣示蒸黎伏以華夏不同土宜各異詳求利病謹具奏聞伏乞聖慈俯賜昭鑒臣伏覽國史竊見開元十八年朝集使至京師玄宗臨軒親問利害時宣州刺史裴耀卿上便宜事論轉運甚詳竟不行下至二十一年耀卿為京兆尹再以前事奏論方見允納比及三年漕運七百萬石省脚三十餘萬貫當耀卿前不見納必有人非之及後數年得集作展其効臣僻守遠郡敢望言行祇奉詔書或冀萬一伏惟明主擇之無任

為濮陽公論皇太子表

李商隱

臣某言今月某日得本道進奏院狀報今月六日宰臣鄭

某等率三省官屬入論皇太子事者褫魄疆場馳魂輦轂

莫知本末伏用驚惶臣某謝中臣聞禮贊元良易標明兩是

司上以奉宗祧華夏式瞻邦家大本自昔質文或異步

驟雖殊既立之以賢則輔之有道北宮養德東序承榮集

勞務近正人用光繼體周則周公為太傅太公為太師漢

則踈氏二賢商山四老內揚孝道外盡忠規猶在去彼猜

嫌辨其疑是不由微細輕致動搖乃得守三十代之不圖

延四百年之景祚著於史冊煥若丹青伏惟皇帝陛下道冠

百王功高三古事窺化本謀洞機先皇太子自正位春坊

傳輝望苑陛下旁延雋又以贊溫文並學探泉源氣壓浮

競嗜魚不進求玦莫從有王褒之獻箴無卜蘭之奉賦今

縱粗乖睿旨微慙聖心當以猶屬妙齡未加元服或携徒

御時縱一作逸遊樂野夏儲亦嘗觀舞南皮魏副屢見飛觴

陛下濬發慈仁殷勤指教稍踰規戒即震威靈雖伐木析薪必循其理而逝梁發筍亦有可虞抑臣又聞父之於子也有嚴訓而無責善君之於臣也有掩惡而復錄功故得各務日新並從夕改同寘子集作道不傷其慈儻犯在斯須便遺天性過當造次遽抵國章則以古以今孰為令子在朝在野誰曰全臣虛牽復之微集作言失不貳之深旨伏以集作陛下侔覆育於天地霽赫怒於雷霆復許省勵宮闈卑謝師傳蹈殊休於列聖慰欽矚於兆人臣才則荒涼志惟朴駸因緣代業蒙被官榮竊諸侯之士田領大將之旗鼓當車折檻合首他人瀝膽刺心正當今日而名非朝籍務切軍機道阻且躋佇立以泣龍樓獻直戴達之辭翰蔑聞鳳闕拜章張儼之精誠未泯干冒宸極無任隕涕祈恩之至謹差某官某奉表陳論以聞

諫中官打人表

劉寬

臣某言臣生逢昌運謬列班行官為御史職在舉事齒髮始壯名籍已至在臣至微誠為多幸所以愛惜朝廷宗廟之意與元老大臣不殊臣昨遇郊禋得陪盛禮見執事者說陛下饗獻太廟至穆宗皇帝第九室跪起嗚咽感動神人臣不覺涕淚知陛下孝德可以化天下矣又至圓丘觀陛下升降嚴恭之禮不覺手足舞蹈知陛下誠敬可以達神明矣如嚮者數事非根於生知稟於天授固非一朝一夕之所能致推是而論則三皇之德必可侔五帝之業不足跂洎車駕即路臣實先馳至丹鳳門南禮物備具忽聞傳說云適有白身數十人於金鷄竿下奪囚崔發亂打致死有司救止力不能禁兵仗紛紜僅以格戰瓦礫交下傍中朝臣臣不勝驚痛蓋惜其無知毀損聖德也如此崔發為

縣令有事當之罪抵朝廷之法有不赦之科斷自宸衷寘諸刑典則可矣豈得下人肆意騁憾一時紊亂紀綱敗失國體豈可使縱恣漸隳也儻陛下欲杜將來之萌絕偏黨之說俾罪人斯得正是刑名則太平之業日益崇矣臣又以爲今日構扇人數至多若盡加誅恐非中典苟捨而不問實蠱大猷以臣愚見莫若勅左右軍使尋求首謀者一二一輩下明詔以示海內知人臣無專殺之文乘閒之謀不敢萌貯庶無私之德與日月盡明又伏聆今月赦書求理至切令命一作諫臣論事遣憲吏執法乘輿服御志在抑損又以見陛下遵禹湯之旨同堯舜之求臣爲耳目若有所聞而不上啓是臣負陛下之深也焉敢不言不勝悽悽懇切之至

爲集賢崔相公論京兆除授表

錢珣

五月甲八

文苑亦百三十五

十

丁先

臣某言今月某日伏奉密詔具審聖旨欲以某官鄭浦授京兆尹令臣進擬來者出自宸衷敢言違詔事非允當合具奏聞伏以三輔之雄京兆居首王畿之理專制甚難歷代重官當今急務比者任用多是丞郎給舍有才之人或藩方善政之帥宣宗皇帝求理之切常輟翰林學士韋澳授以此官今陛下固合且命中書令其公選苟或未稱即可改張鄭某自守周行頗聞靜守當官莅職亦極恪勤量材則可以序遷進善則無妨獎勸至於關中戶口本貫京師穀下威權莫先尹正畿甸之內諸鎮甚多都城之間萬戶來會責辦則供湏極衆整肅則彈壓且殷鄭浦入仕之初曾爲鹽州軍事判官幸守章程粗成勞績因茲際會遂列朝班物望固輕揚歷未久儻以此官除授必當不叶群情向者嗣薛王柔以宗室大臣久兼崇秩事功已著惣領

方宜以浦代之恐失所稱浦既乏公望又匪異材遽達宸
聰必因薦導失舉之誤所繫非輕臣知柔出藩便憂京尹
之任蓋二十四縣無不凋殘況屬今秋又罹兵火鄉閭劫
殺尚且未安軍鎮侵陵比常多事賦輸之際撫緝尤難頃
自黃巢犯闕災患相繼京畿百姓傷死固多今所保全皆
由自備凡為兵器無不家藏寇至即設寨依山事已則還
鄉力穡可耕可戰自是精兵今近鎮多強不為無事徵召
外藩騎卒朝廷又乏軍糧昨者猖狂兼為患禍每宜深戒
不可遽忘實任京尹之權兼須武略不准便於政理亦要
防於艱虞臣請便言冀合睿筭竊見某官李鋌一作鋌兩
朝宿將久立茂勳頗以威名彰於委寄眾情甚洽公論多
推授以尹京必能通濟京畿制置兼以命之有權則可抑
豪強用武則可清姦盜圖安之本全在京都備患之先無

十一

加軍旅鋌之材略得以惣臨畿內戶人累經賊寇農收之
暇訓練不難鄉閭自強侵擾固息無事則各營耕稼有慮
則便執干戈不假饋糧又非失業既安必集就便不煩況
目下京都未能安堵速須制置安得因循非李鋌不可委
任事惟一作權重難尋已參詳外度人情內思機便悉宜如
此方敢陳論伏乞聖明靜賜眷一作循覽以京尹難理之事
思當今姦弊之初用非材無望之人可以控制於此若他
時不濟何以謀安雖欲用典罪之固亦無救於患且李鋌
與臣無素分鄭浦於臣無宿嫌與奪之間公當而已切於
此事尋欲兼候奏聞便屬忽患瘡痍不離枕席近雖潰穴
尚有本根固極虛羸且須將理寢食敢忘於機務數
陳又隔於天顏遂敢直奉牋毫粗達肝膈伏以反正
之新致理仍急有犯無隱臣心合罄於此時從善如

流聖政宜先於大者甚難甚切不敢不論伏以睿斷
精明臣等常切感怍今茲論列實冀允從儻或未察
愚衷臣實不敢奉詔干冒宸衷臣某無任惶恐迫切
之至

文苑英華卷第六百二十五

登仕郎胡柯 鄉貢進士彭叔夏 校正

萬聖朝至以高昌...
古今中外...
古今中外...
古今中外...

書

外安平公書一首

外對懷書公書一首

外文公書一首

書一首

書

文苑英華卷第六百二十五

卷六十四

遺表

遺表一首

為王尚書遺表一首

權文公遺表一首

為昭義李相公作遺表一首闕

代僕射濮陽公遺表一首

代彭陽公遺表一首

代安平公遺表一首

遺表

房玄齡

臣聞兵惡不戢武貴止戈當今聖化所覃無遠不洎一作

上古所不臣者陛下皆能臣之所不制者皆能制之詳觀

今古為中國患者無過一作突厥遂能坐運神策不設

一作下 殿堂大小可汗相次束手分典禁衛執戟行間其後

延陀鴟張尋就夷戮一作鐵勒慕義請置州縣沙漠以北

萬里無塵至如高昌叛換於流沙吐渾首鼠於積石偏師

薄伐俱從平蕩高麗歷代逋誅莫能討伐一作陛下責其

逆亂殺一作主虐人親惣六軍問罪遼碣未經旬日即拔

遼東前後虜獲數十萬計分配諸州無處不滿雪往代之宿耻掩

嶠陵之枯骨比功校德萬倍於古一作此聖主一作之所自

知微臣安敢備說且陛下仁風被於率土孝德彰於配天

觀夷狄之將亡則指期周一作歲授將帥之節度則決機

萬里屈指而推一作驛視景而望書符應若神筭無遺策

擢將於行伍之中取士於凡庸之末遠夷單使一見不忘

小臣之名未嘗再問箭穿七札弓貫六鈞加以留情墳典

屬意篇章一作翰一作邁鍾張詞一作窮班馬文鋒既振

則宮徵一作自諧輕毫暫飛則花藹競發撫萬姓以慈

惠遇羣臣有一作禮法褒毫髮一作之善解吞舟之網逆

耳之諫必聽膚受之訴斯絕好生之德禁障塞於江湖惡

殺之仁息鼓刀於屠肆亮鶴荷稻梁之惠犬馬蒙帷

蓋之恩降乘吮恩摩之瘡登堂臨魏徵之柩哭戰亡之卒

則哀慟六軍負填道之薪則精感天地重黔黎之大命特

盡心於庶獄臣心識昏憤豈足論聖功之深遠談天德之

高大哉陛下兼眾美而有之靡不備具微臣深為陛下惜

之重之愛之寶之周易曰知進而不知退知存而不知亡

知得而不知喪又曰知進退存亡不失其正者其惟聖人

乎由此言之進者一作退之義存者一作亡之機得者一作

喪之理老臣所以為陛下惜之者蓋為此此謂也老子曰

知足不辱知止不殆謂陛下威名功德亦可足矣拓土一作

開疆亦可止矣彼高麗者邊夷賤類不足待以仁義不可

責以常禮古來以魚鱉畜之宜從闊略若必欲絕其種類

深恐獸窮則搏且陛下每決一死囚必令三覆五奏進素

食停音樂者蓋以人命所重感動聖慈也況今兵士之徒

無一罪戾無故驅之於城行一作陳之間委之於鋒刃之下

使肝腦塗地魂魄無歸令其老父英華作孤兒寡妻慈母望

轆車而掩泣抱枯骨而一作摧心足以變動陰陽感傷和

氣實天地一作之冤痛也且兵者凶器戰者危事不

得已而用之向使高麗違失臣節而陛下誅之可也侵擾

百姓而陛下滅之可也久長能為中國患而陛下除之可

也有一於此雖日殺萬夫不足為愧今無此三條坐煩中

國內為舊王雪怨外為新羅報讎豈非所存者小所損者

大願陛下遵皇祖老子知一作足之誠以保萬代巍巍之

名發霽然之恩降寬大之詔順陽春以布澤許高麗以自

新焚陵波之船罷應募之眾自然華夷慶賴遠肅邇安臣

老病三公旦夕入地所恨竟無塵露少一作增海岳謹述一作

殘塊餘息預代結草之誠儻蒙錄此哀鳴即臣死且不朽

一作皆舊唐書本傳

為王尚書遺表

王行先

臣某聞死生者天地之常數忠孝者臣子之本心其孝未立於家忠未報於國而桑榆遽迫風燭俄驚雖脩短之分配偶然而古今之歎一也臣受性頑踈昧於攝理嘗服石乳頗歷歲年始自去冬微覺發動皇慈軫念眷渥旁流特賜祕方兼傳要訣王人荐至駟騎載馳竊見聖心密聞天語方驗君臣之樂旋知瞑眩之功碎首微軀無階上答將謂載安營魄更長皮膚得霑雨露之慈可延犬馬之命不悟才微任重福過災生從此月十二日已後舊疾再發氣緒羸憊心慮沉綿徒加藥餌竟未瘳損自二十二日已後轉覺危惛生意寂寥視陰恐盡渴日不足臣自揣度必難保全雖覆載所容亭育之恩至廣且鬼神不捨膏肓之計已成永辭明聖憂在漏刻臣自荷深恩謬居方鎮三承寵命六變星霜撫俗臨戎幸無敗闕此皆陛下聖謨弘貸玄貺昭宣誓欲乘此遭逢少施勞効使千載之後知聖代有守土之臣焉永懷揚僕之移關常念子牟之戀闕是以仍歲抗表備述本誠瞻望軒墀冀獲朝覲儻丹誠由遂玄鑒俯從則臣此生沒齒無恨豈意隱隱為咎至誠不通徒一作知生也有涯何遽死之將至行潦微波望朝宗而先竭衰楊弱質待歲寒而已凋無由假魯陽之戈空想結杜回之草伏惟聖念俯察哀懷仰天無聲伏表流涕無任感戀獻歎之至

權文公遺表

臣某言生逢聖時獲事陛下以臣鷲朴一作朴一作憲備位將相幸

免罪戾實無裨補福過災生二年已來脚疾痺緩近旬
日咽喉氣痛漸就危惛慮不支持永辭聖明涕流嗚咽伏
惟皇帝陛下繼十一葉休運承二百年景祚平吳定蜀掃
蕩淮夷巍巍功德與天地準今縱有疥癬不足平夷伏惟
以愷悌之仁弘寬大之本爲九州自愛使萬古同福則臣
幽冥之下同生物受賜無任感恩攀戀悲激之至

代僕射濮陽公遺表

李商隱

臣某言臣聞螻蟻知雨雖通感於玄天蒲柳望秋必凋華
於厚夜況臣攝生寡要將命無方寒暑頓侵精神坐竭竈
乏傳薪之火餘焰幾何隙無留影之駒殘光即盡叩心戀
闕忍死集作命封章叫白日而不迴望青天而永訣臣某中謝
臣雖忝望族本實將家自先臣出惣郊圻遇大國靜無師
旅被服元化翱翔盛時遂與季弟參元俱以詞場就貢久

而不調因以上書自薦求通干時願試芸香作吏始筮仕

於德宗瑞節臨戎復分憂于陛下雖性分有限而忠誠不

移一作磨固無韓彭爲將之能實慕趙竇散財之義兩踰嶺

嶠四建牙旗約已潔身絕甘分少良田五頃慮莫及於子

孫厚祿萬鍾惠頗霑於賓客恭承詔命以守藩條而掌事

者徒以元和中呂元膺留守東都李師古潛謀洛邑託以

郡邸入之甲兵臣當時爲元膺賓僚值師古竊發藍衫不

脫竹簡仍持因爲麾兵虜其渠帥遂以將材相許戎統見

期頡頏遐途纂修舊服光陰荏苒遷授頻仍昨者分領許

昌蒹臨河內當上黨阻兵之始是孽童拒詔之初臣方將

奮勵疲驚指揮精銳所冀解鞍赤狄息駕晉城大攘蜂虿

之羣以雪人神之憤自前月某日後軍聲大振賊勢稍衰

人一其心士百其勇驚鎮有相曾無定遠之期馬革裹尸

實負伏波之願而精誠靡著素志集作志望見違接袍之意方

堅就木之期俄及忽自今月某日疾生腹藏弊及筋骸藥

劑之攻擊愈深神理之禱祠無益固已騰名鬼錄收氣人

寰復燃無望於死灰更起難同於仆樹然臣素窺長考曾

慕達人省於變化之端粗識死生之理豈其有貪富貴敢

冀延長但以未報國恩未誅賊黨視胄長免對弓莫彎思

犬馬以自悲悼集作懼鐘漏之先迫志有所在傷如之何撫

節而乏淚以流伏弣而無血可絡臣某中謝其行營三軍

已舉牒差其官某河陽留務差其官某懷州留務差其官

某訖並皆授之方略各有司存至於集作竊計旬時必無逗撓

臣又伏思任司農大卿之日授忠武統帥之時紫殿承恩

彤庭入對躬瞻堯日親沐舜風獲覩陛下神武之姿獲聞

陛下憂勤之旨即北蕃小寇東土微妖集作戎亦何足煩陛

下之甲兵汗陛下之鈇鑕伏願時推明略光闡眷圖內則

收德裕讓夷紳鉉之嘉謨外則任彥佐允達宰沔之威力

廓清華夏昭薦祖宗然後瘞玉勒成鏤金垂烈臣雖百死

復何恨焉臣精爽已虧言詞失次氣無復續蒙以續而莫

勝口不能言飯用貝而何益故園集作國千里明君萬年永

將覆載之恩長入幽冥之路殘魂不昧雖温序之思歸枯

骨有知遇杜回而必抗迴望聖集作昭代哀號不能無任荒

悽攀戀之至

代彭陽公遺表

前人

臣某言臣聞達士格言以生為逆旅古者垂訓謂死為歸

人苟得其終何怛於化臣永惟際會獲偶昇平鍾鼎之勳

莫彰風露之姿先盡雖無逃大數亦有負清朝今則舉續

陳詞對棺忍死白日無分玄夜何長淚兼血垂目與魂集作

斷臣其中謝臣早緣儒學得廁人曹克紹家聲不虧士行

詞賦貢名於宗伯書檄應聘於諸侯東泛西浮南登北走

時推倚馬人或薦雄西掖承榮得以言之無罪曲臺備位

粗明物有其官允謂才難便叨郎選振衣華省履歷名曹

高步內庭光揚密命憲宗皇帝以臣行多餘力忠絕他腸

進無所因靜以有立過蒙顧問深降褒稱乃於同列之中

獨許非常之拜殊恩既浹當路相排旅翻未高孤根已動

河潼為郡盟津統師溺以待援痿而念起憲皇旁譁作求

輔相即記姓名果遣急徵仍加大用戴君之力雖弱許國

之誠在茲實有微衷可禪立化況初誅背叛務活疲羸方

伏奏於鳳宸之前忽充徒於鳥耘之次小吏抵罪邪臣結

謀指之有名默不得訴空甘罪戾仰託聖明粗得生還幾

臨死所其後官移賓護四年不謂於承華任改察廉一日

暫留於分陝欲舉而墜將安更危賴敬宗皇帝續乃丕圖

是思求舊振於洛宅榮彼夷門自爾已來敢虛其遇周旋

五紀鎮守唯切分憂前後兩歸闕庭皆非久次拙直不同

於衆讒毀每集其躬含意未宣救過不暇伏思自長慶厥

後開成之前凡幾忝遷升幾遭退斥若非不欺天地不負

君親至於機微尋合顛殞伏惟皇帝陛下道超覆載仁極

照臨既委銅鹽又分端揆逮今控壓亦在重難陛下之恩

微臣何益微臣之節陛下方知興言及斯碎首殊晚然臣

縱心之年已至致政之禮英華作宜遵尋欲拜章以求歸老

伏以諸道節制頻歲更移其於送迎例多債累臣在此雖

無一毫侵損亦無纖介集作誅求而帑藏甚殷倉儲有羨特

緣行李忍過秋冬而江山之氣候難常蒲柳之蕭衰易見

自夏則膝脛無力入冬則集作腸胃不調對冠冕而始訝

儻來指墳墓而已知息處昨今月八日臣已召男國子博
士緒左補闕緇左武衛兵曹參軍綸等示以歿期遺之理
命使內則雍和私室外則竭盡公家兼約其送終務遵儉
約集作所勿為從俗以至慮居至十二日夜有僕夫告臣
云大星隕地雅當正室洞照一庭臣即端坐俟時正辭無
撓臣之年亦極矣臣之榮亦足矣以祖以父皆蒙棄寵有
弟有子並列班行全聳領以從前人歸體魄以事先帝此
不自達誠為甚惡但以將掩泉扃不得重辭雲陛重集作
陳尸諫猶進瞽言雖叫呼而不能豈誠明之敢忘伏惟皇
帝陛下春秋鼎盛華夏鏡清是修教化之初是復理安之
始然自前年夏秋已來貶譴者至多誅戮者不少伏望普
加鴻造稍霽皇威沒者昭洗以雲雷存者霑濡以雨露自
然五稼嘉熟兆人樂康用臣將盡之苦言慰臣永蠶之幽

魄臣某

云云

臣當道兵馬已差監軍使竇千乘勾當其節

度留務差行軍司馬趙祝觀察留務差節度判官杜勝訖

有舊規模無新革易悉

集作必

當輯睦決無誼驚臣心雖澄

定氣已危促辭多逾切鳴急更哀升屋而三號豈來赴壑

而一去無返忠誠直道竟埋沒於外藩腐骨枯骸空歸全

於故國迴望昭代無任攀戀永訣之至謹奉表代辭以聞

臣某誠號

集作哀

誠咽頓首頓首

代安平公遺表

前人

臣某言臣聞風葉露華榮落之姿何定夏朝冬日短長之

數難移臣幸屬昌期謬登貴位

集作仕

行年五十五歷官二

十三念犬馬之常期死亦非天柰君親之厚施生以無酬

是以時及吟珠命餘屬續心猶向闕手尚封章撫躬而氣

息奄然戀主而方寸亂矣臣某

中謝

臣少而羈屑長乃遭

逢常將直道而行實以明經入仕王畿作吏非州縣之職
徒勞侯國從知愧軍旅之事未學憲宗皇帝謂臣剛決擢
以憲司穆宗皇帝謂臣材能登之即選忝霜威而無所摧
拉歷星紀集作叨星經而有紊次躔旋屬皇帝陛下大明御宇
至道承軋澄汰之初臣不居有過超擢之際臣獨出常倫
高選掖垣箴規未効入居瑣闥論駁無聞自去年秋來典
河關兼臨甸服唯當靜而阜俗清以繩茲粗致豐穰幸逃
逋責豈意陛下謂臣奄有三縣未稱其能謂臣出以一麾
未足爲貴爰降綸綍移之藩方錫以海隅與之嶽鎮將吾
君之驍果萬計使得惣齊聯吾君之牧伯三人以居巡屬
時雖相羨臣實深憂既辱聖恩果遭鬼瞰況臣素無微恙
未及大年方思高掛英華作掛饋魚不燃官燭成陛下比屋可
封之化分陛下

五十七

八

今日十月日夜暴染霍亂并兩脅氣疰當時檢驗方書煎和
藥物百計療治諱唐無痊除至十一日辰時轉加困劇漸不
支持想彼孤魂已遊岱嶽念茲二豎徒訪秦醫對印執符
碎心殞首人之到此命也何如戀深而乏力以言泣盡而
無血可繼臣某誠哀誠戀頓首頓首臣當道三軍將士準
前使李文悅例差監軍使元順通勾當訖臣與順通雖近
同王事已備見公才假之統臨必能和協其團練觀察兩
使事差都團練巡官盧涇勾當訖臣亦授之方略示以規
模伏惟聖明不至憂軫臣精神危促言詞爽錯行當窮塵
埋骨枯木容身螻蟻卜隣烏鳶食祭黃河兩曲長安幾千
生入舊關望絕班超之請力封遺奏痛深來歎之辭迴望
昭代不勝荒愒攀戀之至謹差某奉表代辭以聞

文苑英華卷第六百二十六登仕郎胡柯鄉貢進士彭叔夏校正

文苑英華卷第六百二十七

箴一

箴

諫皇太子箴一首

為司徒趙國公謝皇太子寄詩箴一首

為南陽尉六舅上鄧州趙王箴一首

為皇甫中丞上永王箴一首

上宰相箴一首

賀赦箴一首

皇帝冊尊號賀皇太子箴一首

賀太子知軍國箴一首

從樊漢南為鹿門孟處士求修墓箴一首

諫皇太子箴

薛元超

臣元超啟臣聞位隆載鼎居之者匪易業峻承祧守之者為重何則天下之本屬在元良歷選前脩謁尋往傳伏惟

四四七

初書

殿下畫堂凝祉幼彰岐嶷雕宮誕眷夙擅溫文大孝因心不由於外獎深仁植學性稟於自然故能聿膺景福式光正緒皇基永固宸構克昌加以識贍機物天姿獨秀生知之量振古莫儔比者監守務殷親覽政事所關視聽決斷如流凡在朝行僉論歸美況臣委質階陞齒跡宮闈恭聞喜躍實百恒品區區所望唯願盛德日新勵茲三善無忘四術率土蒼生幸甚見去年之內數召學士等入討論經籍疊疊不倦此之令問播於遐邇在外聞者誰不欣然今夏已來接對遂簡講藝之道有謝曩時臣之事君在於無隱敢緣茲義輒獻愚忠但臣智識庸淺未足以發明雅訓求之史傳請揚摧而言焉昔漢苑招賢高軒洞敞曹園愛客飛蓋連陰此乃副君之待士也亦有推心鄭衆每佇於諮詢降禮栢榮用承於誨命此則副君之尊師也魏太祖

征并州留太子在鄴頗出畋獵崔季珪進而諫曰槃于遊
田書之所誡魯侯觀漁春秋譏之周孔之格言二經之明
義也深惟儲副以身為寶今忽馳騫而陵險誠有識所以
惻心惟太子燔翳捐畢魏志作以塞眾望太子報曰昨奉

嘉命廣開正路翳已壞矣畢亦去焉師傳之言實獲我心
晉明帝之在東宮中度子温嶠中舍人劉放晉明帝為太子阮放
為中舍人劉放乃魏

明帝時人疑
當作阮放駭駟之艱豈可不熟念殿下縱一日之娛忘萬代之基凡人猶

知其不可況在聖明太子答三省所陳明卿等動靜數示此則
副君之納諫不以為嫌者也非獨一時之美事固亦千載之芳
猷且思患預防著於易象樂不可極陳之禮經列聖典謨
可為龜鏡殿下昔在藩邸時以打毬為戲當此之日已經
墜馬近取諸身足為深鑒又陛下仁孝之德聞於四海自

車駕發後天慈許入苑內臣竊惟殿下之意既承恩旨
始復出遊適以上副聖懷非徇盤遊之樂顧以苑園之地

草樹極深絕磴危橋往往而有控織離之馬影踰流電擁
太阿之劍氣駭奔星截輕禽逐狡兔儻有銜勒之變雖悔

何一作追如戶奴等色非是一種或反逆之胤或破亡之餘
夷狡遺醜兼在其數密計兇謀理難懸測忽有潛身翳蒼

侍衛不虞白龍魚服事出慮表臣每一思至此魂爽飛越
夫為人子者不登高不臨深恐近於危辱也故樂正子春

下堂傷足數月不出猶有憂色弟子問之子春曰君子跬
步不敢忘孝之道是以有憂色也子春匹夫尚知愛其身

體儲后之尊何可以不慎焉儻馬逢驚佚微致毀傷豈不

上貽二聖之憂下乖兆人之望伏請打毬馳射深是一作

乞厄機天后所賜誠書殷勤至切網羅今古罕得名言竊循

旨要在於彼疑作披懷虛已書云山林隱逸草澤高人物萃春坊
冀朝夕設對採其匡贊廣納忠規機務之餘遊心墳籍瑩襟
靈於藝圃散耳目於書林披帙橫經克勤無怠此之至戒
亦何不思殿下敦崇儒術闡揚文藝爰置學士獎拔人物
應斯舉者若登龍津莫不延頸企踵思承顧盼皆願隳肝
膽露款誠布衣之交一言相託尚有懷知己之遇銜國士
之恩殿下數存接引與其切磋道義竭忠進善必日有異
聞則玉裕彌光金聲自遠頃日時景炎鬱不敢望以引召
今高秋戒序景物一作物候漸涼伏乞聽政餘閑留情墳典所
讀班史請畢殘功前者別勅賜物本錄一作錄緣殿下書進時
請臨池染翰使筆力轉道仍請逐月一兩度物喚學士因
爲設食文學張君相素明莊老命之談說能暢玄風殿下
假以溫顏人各申其藝業鈎深理窟者思憤懷蛟掖實詞
條者文成吐鳳此亦一時之奇觀可以澡慮怡神預在宮
僚人知自効便僻取容者踈之正直不撓者親之棄不急
之務而省遊娛絕無益之慾而勤節儉以儒墨爲城池翺
翔其際以禮義爲干櫓棲息其間一則遵天后誠書不敢
失墜二則挹古人遺範有所發揮豈不美歟豈不盛歟殿
下居養德之辰天下屬望聰明叡智何所不察若稍加引
納實廣德音臣曲荷財成濫蒙委任雲雨之施預霑於品
物丘山之恩久越於涯涘懼速官謗罔實心靈不揆謏聞
輕陳短見庶同纖盭取類涓埃所冀增山之高裨海之潤
臣元超頓首頓首死罪死罪謹言

爲司徒趙國公謝皇太子寄詩牋 許敬宗

無忌惶恐白內使滎陽夫人至蒙寄歎別五韻并垂示擬
古一首蹤開玉札炫目澄心行諷金聲式歌且抃竊惟化

成天下資繫象以導洪源體物緣情自風騷而絲列代莫不咸相祖述罕見生知伏惟殿下摛絢紹天含章挺眷溫文表裕藻清漢於離暉麗則凝華縟春秋於博望乃以監守餘暇俯賦清篇覽夜月之流光降無私於遠客想懸旌之未卷察翹心於征旆加又作依依垂柳益愴邊城鬱鬱中園偏傷遠塞殊私所被文旨蕪深詞運理而叅神氣陵雲而含粹五章間發若啓榮光之圖六律相宣如覲奏金之字無忌幸從神武愧乏王粲之才忝降斯文益深吳質之戀無任戴荷慶躍之至於是扣寂求音繼震方之逸響披肝見意吐燭火之微光某頓首頓首謹言

為南陽尉六舅上鄧州趙王牋

蕭穎士

某惶恐叩頭使君公節下小人以蹇淺之姿承命下吏常懼罪戾仰負仁明勵茲駑拙兢惕不暇安敢託持文翰祇冒府庭濫巴歛之末音覲牙曠之清聽豈唯取笑僚友知其不然故亦退慙虛薄非所敢望今則沒階屏氣心膽戰越竊有短詞願聞於節下執事者理或至切情所不堪誠以仁賢措心名教有地敢布四體伏惟明公圖之某家自周齊業傳清白先人以文學政事尚書郎門緒不昌幼集荼蓼詩禮之訓襁褓無追顧復之恩縞練仍失顧瞻兄弟童丱五人所不隕滅實同形影少賴餘蔭免從庶役或以進士或以明經二紀于茲畢叅官序雖青紫之望有限登天而箕裘之業幸微墜地豈圖家不悔禍釁罰仍鍾累年以來凶險荐至兩兄一弟殂謝連及孀孤空室苦蓋在庭故不忍聞今在備見誠宜泣血私第移疾公門胡復心顏以冀榮遇所不爾者亦惟仁公哀之重以諸姪藐然三喪在殯丘封未兆凍餒是虞匪伊薄祿云何取濟今歲時

獲便龜策告從此月之交計發嵩汝季弟傭官越在東吳
千里而遙三月不至興言主辦捨某而誰感念存亡觸目
纏迫詩不云乎死喪之畏兄弟孔懷禮亦有之祖於庭葬
於墓所以即遠也人道之終此日而畢天倫宗戚豈可輕
忘守官次則情理頓虧赴私哀則簡書是懼龍鍾荼苦畢
備於茲伏惟明公嘗以雅望忠誠弼諧聖政朝廷故事臺
閣式瞻仁恕之風被於列郡儻或窮誠見遇微物感通許
以假歸申其永慕生骨死肉實賴明恩所不敢言斯豈獲
已况宛葉汝潁密邇山川往復之期旬日以冀奔走之事
豈乏差池某頓首謹言

為皇甫中丞上永王牋

崔祐甫

某惶恐叩頭昔臧孫辰之詞曰賢者急病而讓夷然則當
禦侮之權必居衝要受分憂之任不務懷安伏見判官李
翥稱有教幕府移鎮江寧聞命矍然不識其故何者逆賊
安祿山稱兵犯順竊據二京王師四臨久未撲滅自河淮
右轉關隴東馳詔命所傳貢賦所集必由之徑實在荆襄
朝廷以大王鎮之重矣自旌麾至止正令所覃嶺嶠華
夷吳楚城邑公私遠邇罔有不寧賊庭震懾莫敢南望僅
左右有司謀慮未熟輕舉旄鉞僻處下流既失居要害之
津且出封疆之外專命之責大王何以任之或啓寇讎
之心來爭形勝之地則行李坐隔侵軼滋多安危大端不
可不慎既往之失將且無追且上皇天帝巡狩成都皇帝
駐蹕靈武臣子之戀大王兼之詠棠棣之詩講晨昏之禮
其地逾遠胡寧以安假使別奉絲綸猶當執奏一則逆胡
間諜矯詐須防二則國步艱難折衝宜近就閑樂土恐非
良圖伏惟大王天縱仁明苞含光大某所以敢申讜議輕

犯威嚴伏望廣延正人俯垂考覆芻蕘之論萬一可收不勝憂憤悃迫之至謹奉牋惶恐叩頭

上宰相牋

前人

祐甫惶恐叩頭昔諸葛孔明有言曰使一夫有尤亮之罪也嗚呼孔明以分崩離析之時事要荒割據之主尚能恢弘王度克廣德心魚鼈咸若引為已任千載之下以茲美談伏惟相公乘時間生略不世出光輔興運致於冢宰自明兩作離帝出於震發號施令無幽不達鼎新之業公實贊之煦嫗昭蘇孰不有望況祐甫當遺簪墜履之列懷救虵養雀之惠雖報恩之分誓以終身而受庇之期亦望卒歲豈可不盡誠款匹夫不獲而相公有孔明之憾哉祐甫天倫十人身處其季夙遭險壘幾不同存沒振提携仰於兄姊頃屬中夏覆沒舉家南遷內外相從百有餘口長

兄宰豐城間歲遭罹不淑仲姊寓吉郡周年繼以鞠凶呱呱孤甥斬焉在疚宗兄著作自蜀來吳萬里歸復羈孤之日斯所焉依豈期積善之人昊天不弔門緒淪替山頽梁折今茲夏末宗允辭代顧眇眇之身歸然獨在寡弱嬰孺前悲後泣一門之中髮首相弔捨之而去必填溝壑昔者建寅初吉麾蓋將西猥承嘉話曲全之施不略微生訴其待年致身徇國豈惟寮屬斯在山川鬼神實亦聞之今者相公大秉化源而小人拘牽以前命進於朝無一塵一露之益顧於家有死如棄如之患撫心自憐淚盡成血儻相公以天下為一堂也忍其向隅而傷和氣哉所以遲迴道周欲行中止解懸之望屬在仁明藏之而不言小人之罪也一物失所伏惟相公圖之孟秋尚執伏惟相公尊體起居萬福謹因洪州奏事官沁水府果毅徐冕奉牋塵黷

清襟伏深戰灼祐甫惶恐叩頭叩頭

賀赦牋

劉禹錫見集本

使持節連州諸軍事守連州刺史劉某惶恐叩頭伏見今
月一日制書大赦天下者伏以獻歲布和皇恩遠降乾坤
交泰寰宇廓清伏惟皇太子殿下道冠元良德兼忠孝承
顏拜慶榮耀古今某職守有限不獲隨例稱賀宮庭無任
欣悅之至

皇帝冊尊號賀皇太子牋

柳宗元

宗元惶恐言伏奉六月七日制元和聖文神武法天應道

皇帝光受尊集作徽號率土臣子歡呼無際集作歡伏惟皇

太子殿下麗正居中輔成昌運削伏沴孽贊揚輝光鴻名

載集作允外大慶周洽表文武之經緯著天道之運行瑞景

昭集作照臨知重輪之發輝集作耀恩波下濟見少海之增潤

某忝守遐方獲聞盛禮不任抃躍之至

六字集作躍之至倍萬恒情謹附

歲賀宗元惶恐死罪死罪

賀太子知軍國牋

見五百五十七卷

令狐楚

從樊漢南為鹿門孟處士求修墓牋符載

廬山山人符載頓首頓首死罪夫仁義揚顯即德之充也

惠慈被幽昧仁之原也竊見故鹿門孟處士浩然納靈含

粹仗儒傑立文寶貴重價吞連城一旦殞落門胤陵蔑一作

行路慨然前日辨覺佛寺峴首亭恭覩明公垂意拳拳將

墓文表隧封起窀穸闔境搢紳警聞嘉聲風動興感借至

踴躍然垂休務當時從善貴流今閣下外迫軍旅程使之

劇內勞賓客俯仰之勤牽耗星歲未遑指顧常恐旦夕飛

踐廊廟纏綿深旨鬱紆不寫則處士之風流精爽沉翳厚

踐廊廟纏綿深旨鬱紆不寫則處士之風流精爽沉翳厚

地矣或好事者乘而射之孤負夙志矣伏惟閣下醇仁盛德
覆乎草木除惡彰善發於鄉黨一作影響割省庶務凝神晷刻
眇眇官屬望則國首尾實足以赴國士林之翹翹慰羈魂之
冥冥事關教化不主名譽伏惟念慮之始終之幸甚幸甚

文苑英華卷第六百二十七

登仕郎胡 柯 鄉貢進士彭 叔夏 校正

謝恩一

為李卿謝三品狀一首 代鄭相公謝賜戟狀一首

謝官告狀二首 謝賜告身等狀四首

為侍郎汝南公華州謝加階狀一首

謝譴讓狀一首 謝口勅放三司推問狀一首

為濮陽公謝罰俸狀一首

為李卿謝三品狀 苑咸

伏奉今日恩制特換授一作臣三品恩出非常罔知所措臣

以薄劣久忝班榮幸以地藉宗枝遂得位參卿寺常憂踰

分參於正名豈臣夙粉所能答效自殊私俯及宿疾頓除既

承七命之貴更荷再生之澤才輕遇重以榮以憂又先承

聖恩賜臣藥酒自蒙救療日覺痊平但以微虛未堪趨伏

拜恩閭巷喜懼難勝馳心闕庭戰荷交集無任惶悚之至

共進
代鄭相公謝賜戟狀

呂溫

門戟十二竿右今日中使某乙至臣私第奉宣聖旨賜臣

前件戟者臣伏以國朝之制名器尤慎吏考三十始秩銀

青戰勳十二乃號柱國必資具美方賜集作殊榮於是

命服以朝加戟于戶將勸勞而責實亦馭貴而崇名上無

謬恩下不虛受臣迹非竒致擢自諸生先皇以廉謹賜知

密勿踰於一紀陛下以勤憂過聽委遇首於羣僚叨據樞

衡亟移星歲雷霆用武曾無犬馬之勞日月垂文豈有瑩

燭之助徒以待祠清廟拜舞集作鴻名累逢慶賚集作驟

假勳秩禮異其數物盛其容新其閑闕賜之榮戟衡門燕

雀乍相賀於朱楹武庫龍虵忽追飛於陋巷焜燿當代寵

靈自天聚族知慙殺身匪報無任荷懼屏營之至謹奉狀

陳謝以聞

此篇五百八十三卷表門重出今已削去

謝官告狀

白居易

新授將仕郎守左拾遺翰林學士臣白居易

新授朝議郎守尚書庫部員外郎翰林學士雲

騎尉臣崔羣

右臣等伏奉恩制除前件官今日守謙奉宣進止集作特

加慰諭并賜告身者聖慈曲被寵命猥加俯以拜恩跪而

受賜蹈舞離次驚惶失圖伏以郎吏諫官古今所重位當

辰集作星象職在箴規皆須聞問集作問望清方行實端愨然可

以佐彌綸於草奏集作時能正其詞盡獻納於芻言必直其

節苟輕所選實忝厥官臣等學識庸虛才質愚懦自居近

職忝冒已深況超擢榮班慙惶交至初授殊常之寵聞實

若驚再思難報之恩感而欲泣唯當奮勵駑鈍補拾闕遺

中誓赤誠上酬玄造俯伏愧畏集作憂愧若無所容無任感恩

兢惕之至謹奉狀陳謝以聞謹奏

同前

前人

新授京兆府戶曹參軍翰林學士臣白居易

右伏奉恩制除臣前件官今日守謙奉宣聖旨特加慰諭

兼賜告身者俯集作懼拜恩休惕受命戰越跼躄驚惶失

容蹈舞屏營不知所據臣叨居近職已涉四年自顧庸昧

無裨明聖塵忝歲久憂慙日深況於官祿之間豈敢有所

選擇但以位卑俸薄家貧親老養闕甘馨之費病乏藥石

之資入子之心有所不足昨蒙聖念雖許陳情敢望天慈

恩集作驟遽從所欲況前件官位望雖小俸料則集作稍優臣今

得之勝登貴位此皆皇集作聖明俯察玄造曲成念臣為子

之心集作誠賜臣及親之祿臣所以撫心知愧因事吐誠烏鳥私情得盡歡於展養大馬微力誓效死以酬恩榮幸不止於一身感戴實深於萬品無任荷恩抃躍之至

謝恩賜告身衣服并借馬狀

元稹

右秦倫重宴至奉宣恩旨授臣前件官并告身衣服疋帛及借馬者忽降天書乍乘雲驥頒衣煥目賁帛盈庭皆非朽陋之才宜受光揚之賜微臣無任抃躍慙惶之至況臣素守集作性本疎愚且集作素無朋黨去年陛下擢於集作自郎吏命掌書詞非因宰相奏論特是聖慈超授感恩深切頻獻封章遂遭分外侵誣不敢保全軀命豈謂恩光轉至眷澤逾深出自宸衷選居近地不試便令入院當日召見天顏口勅授官面賜章服授令承旨不顧班資近日寵榮無臣此例發言感泣指日誓忘心苟無死節之誠願受鬼誅之禍伏奉

恩旨令臣明日本司赴上舊例便合中謝伏緣先有疏論邊事及幽州事宜兼緣李愿入朝並要面自論奏伏料二十日入假已後南衙機務稍閑特乞天恩許臣中謝謹錄奏聞伏聽進止集作勅旨

為蕭相謝告身狀

前人

右中使其乙至奉宣進止賜臣某官告身一通者鳳銜真誥虬捧天書錦帙金牋霞明一作光日照臣聞高宗命說乃申納誨之詞大舜相龍爰有聖讓之訓空書簡冊未煥縑紉豈集作如臣寵榮而集作豈足為喻慙惶增懼進退難安拜受恩光戰汗交集無任感戴殊私之至

又謝官狀

集作為蕭相讓官表

前人

此篇移入五百七十四卷表門姑存其目

代裴相公謝告身鞍馬狀

杜牧

右中使某至奉宣聖旨賜臣告身一通馬一疋并鞍轡臣
生逢聖代竊位巖廊奉告令之詔書丹霄之雨露猶濕賜
集作錫代勞之駿馬內棧之風雲尚隨寶軸煥絲綸之言逸
足騁拳竒之態螢光燭火何裨日月之明弱質孤根但荷
乾坤之德殺身寧報撫已知慙無任感恩抃躍懇悃之至

為侍郎汝南公華州謝加階狀

李商隱

右臣伏奉今月某日制書加賜臣階朝散大夫者榮從日
下恩自天中臣聞周室設官實重大夫之號漢臣異禮則
加朝散集作請之名若臣者辯乏談天文非擲地貪叨華顯
綿歷光陰當陛下御極之初分陛下憂人之寄金章紫綬
已塵求瘼之榮崇級清階更竊昇高之望循揣斯久怔忡
莫寧唯當勤奉詔條所希粗贖官謗誠深感勵情切違離
犬戀主而空深蚊負山而何力無任感恩望闕結戀屏營
之至

謝譴讓狀

李嶠

臣特蒙天慈擢在樞近恩私屢及寵命頻加粉骨糜軀雖
以誓於心府纖埃滴水竟無補於川岳是用晨宵載惕啓
處增慙素自庸愚加以疾疹心緒遺忘耳目昏沉實恐虛
曠天工傾敗鼎餗伏思大臣引咎之義輒露微軀陳力之
請豈敢避鞅掌之秩就優游之閑臣每思古人竊仰遺事
充國則卧而陳策子囊則死不忘忠臣自念妨賢甘從屏
退敬竭芻蕘之議庶裨日月之明所以因欲辭違昧冒陳
上智慮庸短自速慙尤伏奉綸言俯垂恠責心膽飛越五
情無厝踣天踏地伏待刑科死罪死罪無任戰懼之至謹
詣明福門奉狀陳謝以聞

奉謝口勅放三司推問狀

杜甫

右臣庸智識淺昧向所論事涉近激訐違集作忤聖旨既

下有司具已舉劾甘從自弃就戮為幸今日已時中書侍

郎平章事張鎬奉宣口勅宜放推問知臣愚蠢集作慙捨臣

萬死曲成恩造再賜骸骨臣甫誠頑誠蔽死罪死罪臣比

集作以陷身賊庭憤惋成疾實從間道獲面集作謂龍顏猾逆

未除愁痛難過猥廁來職願少裨補竊見房瑄以宰相子

少自樹立晚為醇儒有大臣體時論許瑄必位至公輔康

濟元元陛下果委以樞密眾望甚允觀瑄之伏集作深念主

憂義形於色況畫一保大其素所蓄積者已而瑄性失於

簡酷嗜鼓琴董庭蘭今之琴工遊瑄門下有日貧病之老

依倚為非瑄之愛惜人情一至於集作有玷汚臣不自度量歎

其功名未垂而志氣剝削覬望陛下棄細錄大所以冒死

稱述何思慮未集作始竟闕於再三陛下貸以仁慈憐其懇到

不書狂狷之罪集作過復解網羅之急是古之深容直臣勸

勉來者之意天下幸甚天下幸甚豈小臣獨蒙全軀就列

待罪而已無任先懼後喜之至謹詣閣門進狀奉謝以聞

謹進

為濮陽公謝罰俸狀

李商隱

右臣伏準御史臺牒奉恩旨以臣不先覺察妖賊賀蘭進

興等宜罰兩月俸料者伏以霧市微妖潢池小寇有乖先

覺上贖宸聰昔漢以捕集作捕盜不嚴猶加黜削晉以發姦

無狀亦峻科條豈若皇帝陛下恩極好生德集作仁唯宥過

與其漏網上以罰金臣與僚屬等無任戴恩省罪屏營之至

文苑英華卷第六百二十八

登仕郎胡

柯

鄉貢進士彭

叔夏

校正

文苑英華卷第六百二十九

狀二

謝恩二

謝弟授官狀四首

謝兄加恩狀二首

為子謝恩狀九首

謝賜母國號狀一首

謝除副使等狀一首

謝賜將士等物狀五首

謝兩弟移官就養狀

張九齡

右臣兩弟蒙恩移官就養老母感戴殊澤戰荷兼深臣山藪陋材豈堪國用日月私照謬掌綸言犬馬以地近見矜烏鳥以情至蒙福曲承孝理之賜莫知報效之所無任悚躍集作懼荷恩之至

讓兩弟起復授官狀

前人

右臣昨以兩弟身名狀涉隱冒家且未正焉能正人所以陳露奏聞誠欲自律今日高力士宣勅令與兩弟京官慈

旨優柔感深骨髓微臣何有叨此殊恩但臣自罹災殃集作殃纔踰年序忝承重任不敢顧私而鞠育之恩終懷罔極

几筵在遠奠醑不親唯有兩弟在家獲申情紀今若恭承恩命盡在墨縑將以集作何顏可偷此集作倫責陛下每弘教義必先名節豈於愚臣不集作無少矜憫若使九臯等獲

免罪戾幸無削除在臣闔門已霑殊澤更令授職俱遠哀次於臣私情實所不忍然於朝議必多集作有喧黷乞寢恩

集作成命俯亮愚衷冀無玷大猷豈敢自遂而已不勝哀荷戰懼之至

此是國狀移次篇併入

謝兩弟授官狀

前人

右臣伏奉昨二十日恩命授臣弟九臯殿中丞集作殿中章太子司議郎臣私門積豐殃罰如昨日月逾邁禮及外

除弟九臯等如臣常材集作加比伏集作哀疚瞻望未遠

縞素練集作猶存非常之恩一朝惣集慙惶哽咽周識言次
不知微命餘生何以上答集作天造載悲載躍集作五情
飛越不勝感戴戰悚之至

為令狐相國謝迴一子官與弟狀 元稹

右臣奉某月日勅以所賜臣一子官迴與臣弟定授六字集作

迴授臣弟定京北府藍田縣尉者寵過憂深集作恩殊感極彷彿

自顧悚惕難居臣本實凡愚集作猥當重任雖星辰軌

道幸屬聖時歲月環周實妨賢路未蒙罪退益自慙惶豈

謂睿集作慈仍加渥澤特降推恩之命曲成友愛之私九

族生光百身集作何報況藍山集作美邑黃綬清流旋觀

冉冉之趨倍慶怡怡之樂手足交抃形影相輝空鏤肝心

難酬雨露無任抃躍感恩之至

為晉公謝兄林宗為太僕卿狀 苑咸

右臣伏承今日恩制除臣兄太常少卿林宗為太僕卿明

命自天惶抃一作無地臣兄每私門誓約公道為心務竭

忠勤敢踰涯分豈謂陛下降中旨之詔假望外之恩拔自

奉常正於群僕臣久居宰輔職忝進賢考盤之詩未能息

詠葛藟之蔭先及本根渥澤既重於丘山光輝復聯於花

萼一門為幸九死何酬無任感戴惶悚之至

為晉公李林甫謝賜兄衣服狀 前人

右臣今日中使郭全羽至奉宣聖一作旨賜臣兄太僕

卿林宗紫衣一副并犀角一作帶及金魚袋恩出常倫

非常榮超望表闔門捧戴喜懼失圖臣少遭閔凶早違

怙恃兄弟素少形影相依幸遇休明俱霑官序且一身叨

竊謬踐一作台衡闔門寵榮皆承天覆恩獎所及始望已

過但兄林宗年力稍俱一作侵近嬰風疾常恐溘先朝露不

報前期一作豈謂眷渥特深鴻私曲被河海重寄已叨集作
命卿之榮章印崇班更承綬一作服之賜慶流公族光照
私門雖喜鵲鳩鳩一作之詩終懼維鵜之刺無任喜懼感佩
之至

此篇五百九十二卷表門重出已削去注異同為作

為晉公謝疑男五品官狀

前人

右臣今日曲蒙聖恩處分仙客令與臣男岫五品并授外
郎愚誠懇辭天監不察仙客承旨又已進官憂懼失圖不
知死所臣幸承天蔭特荷殊榮無補消塵常覩面目至如
邊城克捷狂寇肅清皆睿略玄通聖謀獨斷臣之選統但
有空名敢冒天功而為已力虛承厚委深是曠官況在頑
童何議延賞假使天慈善誘宸睠曲臨變其服章已深榮
幸更塵清獎何以自安且郎官之任朝廷俊選無人則缺
不可虛授臣男岫性資愚戇無所能為臣實知之非為矯
飾儻謬踐華省深累聖朝必負黃童之才豈憚祁奚之舉
知其不可敢乞收恩制命未行猶祈便寢無任懇款之至
謹冒死陳請以聞

代王尚書謝一子官狀二首

王仲周

右臣素乏器能謬司方鎮敗公之責夙夜惟憂延世之榮
雨露覃及顧老臣以增懼念童子以何知恩私忽臨負荷
無力不勝感恩惶恐屏營之至

二

臣某言伏見某月日制除臣男憑御史中丞捧讀綸旨驚
慚無據臣頃戰伐河北男亦隨身救援李忠頓軍易定屬
陛下遷幸聞及河南臣留與論婚娶然得引軍關右堅保
渭橋承筭略於皇明摧兇醜於都邑事關聖運功匪眾人
陛下特以微功錄其小子年未登於弱冠官已及於中司

若以忠孝而升且無徃例若由臣授是紊國章臣初沐殊私即將陳讓但緣李忠在外方遏寇戎已行之恩難可追止柔遠之體或要順從勉承不次之榮益荷無窮之惠君親垂施並居踰等之官父子同心各獲捐軀之地不勝戴荷屏營之至

為人作謝子恩賜狀五首

令狐楚

右臣得進奏院狀報中和日伏蒙天恩賜臣男公敏內宴并賜前件綾羅三十疋銀碗一者臣伏以桃花始開萱莢初吐陛下式崇佳節以慶仲春舞八卦於廣庭陳四詩於別殿道光在鎬義冠濟汾蓋所以勞徠勲賢昭明慈惠男公敏年方童幼智乏老成何殊一芥之微忽宴九天之上乳口而食嘗鼎食青襟而陪列朝班越次之恩已深逾涯之賜仍及色絲成疋爛盈其箱篋白金為器皎映於盃盤澤流而九族皆榮信至而萬夫相慶生子如父無功則同知臣者君報德何日徘徊官次喜懼交并戎守有限不獲陳謝無任感恩結戀屏營之至

二

右臣得男公敏狀今月十八日中使王希朝到院奉宣聖旨緣臣男患耳賜絹一百疋以充藥直并遣醫人劉江診療者臣自受國恩已更歲序其於功績絲髮未伸夙夜憂兢不知所處男公敏昨緣耳疾今赴上都素乏義方未能典謁豈意陛下惻隱之德俯加于織芥躬睦之慈旁流于枝葉殊私猥及渥澤曲臨特降醫工厚霑藥直雛犢之疾料即痊除君親之恩何可報効榮光燭於府舍喜氣溢于閨門恩深命輕繼以感泣戎役有限未獲躬詣闕庭陳謝不勝感戴

右臣得進奏官趙履溫狀報中使姚文嵩到院奉宣進旨
賜臣男公敏冬至節料羊酒麵等伏以愚臣在邊賤等蟻
蟻弱子兼疾微如塵埃豈意陛下施惠必均推恩皆及屬
登臺以望之日降其出如綸之言錫香醪而滿壺頒肥疇
以盈机伏自惟念不勝所蒙一門驚莫大之榮百衆賀非
常之慶未知報効空積慙惶日月高明照臣忠懇所守有
限未獲躬詣闕庭陳謝不勝感戴懇結之至

四

右臣得進奏院狀報前月二十九日中使某至奉宣進旨
賜臣男公敏歲料羊酒麵等臣自領北藩于今五稔曾無
明略以奉大猷孤直愚忠未足報陛下萬分之一男公敏
伏緣醫療勒赴京都尚未平除爰逢歲節豈意翩跹微物
飛舞於東風霍靡輕生霑濡於春雨降少牢而頒賜迂中
貴以宣傳麩起玉塵酒含瓊液鼯鼠飲河之腹聞已滿盈
老牛舐犢之心喜終無極深恩似海弘覆如天寧唯感激
一門實亦光明九族何階報答終日慙惶空將許國之身
誓竭在邊之力所守有限不獲陳謝無任感恩抃躍之至

五

右臣得進奏院狀報二月二十九日中使某至奉宣進旨
賜臣男公敏寒食節料羊酒麵等至二十一日中使某又
宣賜麥粥餅餤者臣伏以天地之恩所加斯厚君臣之義
有感則深臣自守近藩曾無薄効緣恩據義以月繫年男
公敏未識憲章獲叅班序每因令節又沐殊私班首之羊委
其全體擢芒之麥散以輕塵粥既擬於瓊膏餤有同於萍
實出為寵錫皆申上帝之心食以充盈莫匪小人之腹消

毫未展饗殮已頻常懷覆餗之憂有忝分甘之施苟仁之
逮下微物敢讓於生成如澤或因臣瑣質何堪於負荷官
守有限不獲陳謝無任感恩抃躍之至

同前

右臣得進奏院狀報今月九日中使李朝誠到院奉宣進
旨賜前件節料麵肉等次十日中使徐智嚴奉宣聖旨又
賜麥粥餅餤者寵榮便繁錫賚稠疊或陳於廊廡或貯在
罇壺酒可駕車麵疑經市而況屑杏實以為粥味甜於蜜
卷牢肉以成餤規大於拳皆出御厨無非仙饌面牆之日
未曾窺見含糗之口忽此捧嘗恩逾涯分榮冠倫列在微
臣而過幸日益憂兢念小子之何知無由荅効身輕施重
負荷難勝所守有限不獲陳謝無任抃躍之至

為蕭相謝賜太夫人國號告身狀

元稹

恩賜臣母國號告身

一通

右今月日某乙奉宣恩旨賜臣

母前件告身恩光灼耀捧戴兢兢惶對揚天休無任戰越臣
家傳儒素母實劬勞每織履以資臣宦遊嘗斷織以勉臣
師學念臣庸昧本望非高所希捧檄之榮敢萌集作開國
之慶陛下恩加望外簡自宸衷石窾封疆已光於萬葉藥珠
文字重降於九霄朝野謂之殊私宗族以之集作榮觀臣
及臣母以抃以歡誓將齊戒洗心永奉真人之誥緘膝在
笥深藏大帝集作太常之符寶過金籙瑞同鵠印蓼蕭知感雨
露難酬無任抃躍兢兢集作戴恩之至

為滎陽公謝除盧副使等官狀

李商隱

新授某官盧戡

新授某官任繕

右臣得進奏官某狀報臣所奏盧某等二人奉某月日勅

旨賜授前件官充職者臣謬當廉印合啓幕庭撫魚罩以
與懷懼殺皮之廢禮盧戡與臣同年登第少日論交學富
文雄氣孤志逸玉清越而為樂女舒退集作以求媒實懷
難進之規不起後時之歎任繕幼壯孝悌潔靜精微得君
子之時中友鄉人之善者匪因請託實自諳知皇帝陛下
俯照遠藩咸加命秩南臺帖職延閣分班使戡有紆朱之
榮繕無衣白之見已經聖鑒可謂國華冀收規畫之功共
奉澄清之寄臣不任感恩荷聖集作得賢之至

為人作謝防秋廻賜將士等物狀

令狐楚

右件將士中使朱孝誠監領某月日平安到太原其賞物
並勅給付訖臣伏以受命以行人臣之節斯著及期而代
君父之仁已深陛下愛育武夫綏懷猛士采薇遣戍旣霑
挾纊之恩出車勞旋又有分鱣之澤纔識家而競入俄拜
賜以嵩呼盡忘征役之勞固感生成之德況臣叨居將帥
獲沐恩波所守有限不獲陳謝

為人作謝賜行營將士疋段并設料等狀

前人

右臣得行營兵馬使李黯狀報伏蒙聖恩賜前件疋段設
料者伏以懷生之類莫匪王臣有事之時唯聽君命今者
天誅小醜恩施羣雄豈謂偏裨皆蒙錫賚需以飲食比肩
而膚革充盈賁於束帛連袂而衣裳華楚空知飽德何以
勝恩競堅摩壘之心爭竭拘原之力臣叨居將帥誓掃寇
讎感戴屏營倍百恒品

為人作謝賜行營將士襖子及弓弩狀

前人

右臣得兵馬使李黯狀伏蒙聖恩賜前件物等者伏以狂
賊未平偏師在遠臣並全支器械厚給衣裝陛下念以戰
爭矜其寒苦特頒星使猥降天波衣絮八蠶之絲暖如狐

腋弓纏九牛之角勁若烏號頰及連營來從內府遙知被服皆不憚於兵鋒緬想操張盡一作悉將穿於虜骨歡聲感動勇氣蒸騰信山嶽之可移豈妖氛之足滅臣名叨將帥志掃寇讎沐恩澤而空深効勤勞而尚淺誓將忠懇以勵驍雄所守有限不獲陳謝

為人謝賜天德防秋將士綿一作純絢狀

前人

右臣今月七日中使朱孝誠至伏奉詔書兼宣恩旨賜前件綿絢等臣伏以武夫之用職在防虞壯士之心樂從征役陛下仁慈廣被渥澤旁流諭以功名賜之綿帛荷殊私而東拜悉有兼衣賈餘勇而西行若無遠道同將日力共振天聲臣猥守藩隅叨居將帥欣榮感戴實百恒情

為人謝賜軍將官告狀

前人

右臣中使朱孝誠至伏奉詔命慰問臣并宣慰旨允臣所奏當使諸將官賜前件告身者寵命從天榮光溢路謹呼感戴皆不自勝臣素是懦愚叨居上將微誠空竭薄効未申伏蒙陛下曲降天波俯加王澤華資清秩周及於百夫喜氣謹聲喧傳於一道家藏寶軸人受綸言三軍驚非次之榮萬井賀殊情之慶誓將苦節上荅明恩謹準勅捧受分給訖臣與諸將等限以所守不獲詣闕陳謝無任抃躍之至

文苑英華卷第六百二十九

登仕郎胡 柯 鄉貢進士彭 叔夏 校正

謝恩三

謝勅書手詔狀一首

謝中使招撫狀一首

奏廣州結好使事由奉詔書謝恩狀一首

謝宣慰等狀七首

謝御札狀一首

謝賜藥狀二首

謝臘日賜藥狀一首

謝藥金盞等狀一首

謝藥金狀一首

謝賜神刀食金狀二首

謝醫藥狀二首

謝問疾狀一首

謝紅雪等狀一首

謝勅書手詔狀

常袞

右今月十一日中使劉庭玉至奉宣恩命賜臣前件書詔臣謬忝防虞未申戎効寄分廉察又乏吏能尸素實深咎責難追聖慈弘貸榮渥累霑俯降天書兼賜墨詔睿詞寵

四十一

表

飭曾無毫髮之勞宸旨密臨特受腹心之寄自驚朽骨遠被殊恩捧承戰悚擊跪踴躍奮力過負已多鴻私未酬慙懼彌積軍州同慶惠澤溥將慰勉載加感悅交集無任欣抃惶悚之至

為王大夫謝中使招撫狀

崔行先

臣某言頃者元誼等擅固城池有違詔命臣出師野次持守經年以水攻圍俟其離變誓殲兇叛以靜方隅伏以陛下至德至仁好生惡殺恐失理死不忍誅夷特令中使就此招撫今洛州收復閭井獲安此皆天威光被神武底定顧惟愚陋載荷鴻私不勝感戴踴躍之至

奏廣州結好使事由奉詔書謝恩狀

裴次元

右臣伏奉某月日手詔令臣速具前件官本末事由聞奏臣去月日謹具某官歸本道事以聞某月日奏官至伏奉

某月日手詔所奏某官尋赴廣州事宜具詳本末想宜知悉者臣伏以綸綍下於紫霄明命光於滄海榮深感極寵洽心驚周章失圖歡惕交集顧臣鄙劣忝寄藩維無補涓埃累更涼燠矧茲地遠敢望恩加日月照臨之明無幽不燭乾坤生成之德在物莫遺豈期奏報常儀特降詔書慰撫事逾等列喜萬怕情伏以軒墀一遠歲序三變謬職愧深於星瑄荷恩思拜於彤庭厠清列于班行戮冠劔而何日守炎荒之遐服甘瘴癘以嬰身懷死節之丹誠願生還于絳闕每承存諭之命更切攀戀之心臣不勝感恩歡躍屏營之至

爲人謝宣慰狀

令狐楚

右監軍李輔光迴伏奉勅書手詔宣慰臣及參佐將校官吏等者臣竊位大藩連榮近屬戴山之力雖竭橫草之功未聞寢興以思憂愧若厲伏惟陛下日明于上子育其人降玉筋之天書遣銀璫之星使宸心煦育下浹於將校慈旨丁寧旁霑於掾吏謹呼之聲雷動舞抃之袖雲翻榮光併臨愁疾如失不勝歡喜感戴之至

謝勅書手詔慰問狀

前人

右監軍使李輔光迴伏奉勅書手詔慰問臣及將士等者臣自守大藩未申微効每承渥澤實所慙惶今者伏蒙陛下弘覆燾之仁與天爲大廣照臨之意如日斯升特遣王人復還使府捧絲綸之明詔光寵賤微吐汗漫之溫言霑濡羣萃浮空而喜氣成霧動地而歡聲若雷空知受恩何以勝德所守有限未獲陳謝無任感戴之極

謝口勅慰問狀

前人

右中使孟昇進至伏奉口勅慰問臣及將士等臣素非公

才叨惣戎律清平無事績用未彰伏惟陛下子惠兆人天
成萬物降星分之使宣綸出之言問以炎涼勉其勞役恩
踰素望榮冠常倫跪聽歡呼衆心如一臣等不任感戴之至

謝宣慰狀

前人

右監軍使某迴伏奉勅書手詔兼宣恩旨慰問臣及將士
等仗以天地大鈞固無私於覆載豚魚微類皆有荷於生
成臣實庸虛叨膺獎用至於師人輯睦封略乂安皆稟廟
謀無非宸筭豈意天慈廣被聖眷旁流歸復監臨昭宣慰
撫爲膏之雨泛灑於編人如綍之言傳聞于列校驩生衆
口感結羣心同守節以戴天各輸忠而報國臣與將士等
不勝感恩抃躍之至

謝勅書手詔慰問狀

前人

右某月日中使某至伏奉勅書手詔慰問臣及將士參佐

手書五

卷之六十三

三

思

等并賜臣官告旌節兼宣口勅授臣節制者臣伏以聖澤
汪洋高卑盡滿皇明照耀微細不遺內愧瑣材上煩慈旨
朝聞夕惕豈復遑寧夜思晝行不敢失墜今者三軍輯睦
萬井歡康皆憑天威盡出宸筭慙將孱劣虛受恩榮某月
日已差衙官某奉表陳謝訖無任感戴之至

謝宣慰諸州軍鎮等狀

前人

右中使至伏奉某月日詔書令中使宣慰諸州刺史外鎮
將士等令臣亦使人安撫者臣準詔差虞候張液隨中使
某所在存問以某月日却到太原仗以設官分職邦國之
恒規秉義納忠人臣之素分伏惟皇帝陛下嘉其奉上念
以守邊降駟騎於九重諭天心於萬里法南風之長養豈
擇卑微並白日之照臨不遺遐遠邊城將校井里黎人競
鼓舞於皇明盡霑濡於聖澤室家相慶關塞無虞臣忝守

戎旃不任忻抃之至

為崔仲孫弟謝手詔狀

前人

右中使尹偕至伏奉手詔慰問臣等伏以聖澤均霑天光下燭欣榮感戴不自勝任臣生代未諧遭家不造嬰孩之日長養于外家童冠者年因依于伯姊容身寄食以至于今李說念臣以密親署臣以散職誓將裨補義不依違誠意莫申大期俄迫今者獲成安泰仰荷聖明豈期特降恩波深蒙慰撫昆蟲賤命不可以戴天葵藿微心空知其向日親踈共感存歿同榮無任感恩抃躍之至

謝御札狀

元稹

御札二十三字右泰倫重晏至宣賜臣前件御札其中聖旨云鎮州逆亂枉害忠良若與元稹鎮州節度使集作是捨賊之門者伏以睿筭若神聖慈猶父視兇狡之構亂

四

文六百三十

四

思

義在克清念台輔之銜寃期於必報此蓋仁深天地勇過雷霆臣實庸愚難議窺測況臣謨集作猷失次罪戾是憂宸翰忽臨天章煥發舞鳳迴翔於懷抱飛龍顧盼於縑緗豈獨傳之子孫便合鏤於肌骨微臣無任踴躍光榮之至

謝藥狀

集作表

張說

右內使陳忠盛宣旨賜臣痢藥臣攝生無方自貽痼疾聖慈矜憫垂恩救護氣衰力憊忽吞永命之符腸滑胃虛更服集作返魂之草蒙天營祐集作指日痊平雖萬粉灰何酬造化謹附忠盛奉狀陳謝以聞

謝勅賜藥狀

張九齡

右高力士奉宣恩旨賜臣等鹿角膠丸及駐年面脂有命自天感戴兼至臣等涓滴無補渥澤日深多謝股肱之良每慙智力之効徒承聖恩同體之義更霑御藥駐年之錫

事絕希幸禮優常遇微軀殘貌因殊集作大造而載延捧日承天荷曲成而靡集作無極無任悚戴之至

為晉公謝臘日賜藥等狀

苑咸

右昨晚內使曹侍仙至奉聖旨賜臣臘日所合通中散駐顏面脂及鈿合并吃力伽丸白黑蒺藜煎指齒藥等逼夜又賜臣粳米一百石麵二十袋適中使楊元新至又賜鱖魚鯪魚鮭魚等仍便令膳造伏以嘉平舊節鍊藥良辰錫靈仙之祕方均雨露之殊澤金膏玉散駐齒髮於衰容瑞麩香粳頓豐盈於私廩况鮭魚魴鮭等降自天厨中使炮烹皆承聖法不資椒桂之力備適鹽梅之味臣竊位歲久叨榮日深調鼎之功未施於毫髮登俎之美屢決於恩波徒荷生成何酬造化無任稠疊感戴之極

謝賜藥金盞等狀

前人

五三

文六百三十

五

思

右內給事袁思藝奉宣聖旨賜臣藥金盞一匙并參花蜜餘甘煎及平脫合二兼令中使輔朝俊親授昨所賜金方法者伏以聖澤無涯已沐九天之施真方不祕更示八公之法王人俯及寶器仍頒且自昔名臣近代良佐雖功業攸著或不承此賜况臣才非逮古雨露之澤逾深任重當時消塵之効無補仰瞻玄造上答何階無任

謝賜藥金狀

前人

右內給事袁思藝至奉宣聖旨賜臣江東成金二挺若服之後深有補益兼延駐者伏以仙方所祕靈藥稱珍必候休明之辰上益無疆之壽不意俯迴天眷念及微臣賜九轉之金駐百年之命且螻蟻賤質豈能長固蒲柳易朽常慮先彫竊荷生成之恩寧酬造化之德澤如河海空欣羽翼之期寵若丘山何伸灰粉之謝不任

謝賜神刀食金等狀

鄭綱

右今日中使某至奉某月日墨詔賜臣前件神刀及食金五挺并合子鎖等臣遠赴藩鎮上軫聖憂俯降王人特頒寵賜暢威懷於遠服佩以神刀矜微劣之庸軀錫之靈藥捧受戰越以抃以驚臣即以今日發藍田縣關庭漸遠道里猶長瞻望天顏感涕交集無任戴荷結戀之極

謝賜手詔兼神刀藥金狀

孔幾

右中使至伏奉墨詔并賜藥金一合神刀等俯循陋質仰戴殊私渤澥無比其深山嶽無方其重臣草門賤品環堵諸生乏禦侮之籌謀罕濟時之方略而因緣官學塵忝班行効無可稱事每逾量聖慈過聽擢領藩方祇命戒途不敢陳讓省躬撫事益懼菲才今又特降王人遠臨郊甸寶刀出於武庫上藥本於金精足以蠲除餘癘激發忠勇顧惟孱懦承此寶光捐軀盡節豈足為報無任感戀懇款之至

為人謝問疾兼賜醫藥等狀

令狐楚

右今月十八日本道監軍使李某至奉宣口勅問臣所疾十九日中使張良祐至伏奉詔書賜臣烏藥蓼子各一合藥方兩紙并借供奉醫官兩人醫臣疾者臣素是凡庸猥當朝寄暫乖將息特軫聖慈綸出王言朝昏不絕星馳驛騎道路相望頒仙藥于雲中降神醫於天上仰承榮寵冀即痊平兢惶失圖感戴無地蒲柳之心猶壯誓竭丹誠狗馬之齒更長敢忘玄造臣見準詔書與醫人商量服飲子及塗藥將息腫氣已退煩熱未定所守有限不獲陳謝無任感恩結戀之至

為人謝詔書問疾兼賜藥方等狀

前人

右臣奏事官高榮朝迴伏奉墨詔問臣所疾并奉宣口勅

賜臣藥方者臣疲馬疑作驚之質寒熱所侵仰憑天慈今已日捐豈意猶煩睿想尚軫聖衷特降千金一作十全之方兼飛五色之詔榮光一燭愁疾如遺誓畢微生以酬殊造無任感戴之至

為人謝問疾狀

前人

右監軍使李輔光迴宣口勅問所疾者臣頃因時旱疾以憂生仰蒙覆育尋就痊除伏以君恩過厚天聽至卑縷形於詞如撫以手顧慙微細特繫於宸衷內省疲羸尚關於睿想榮深益懼喜極而悲當望雙闕以注心守一隅而盡力不勝感結抃躍之至

為令狐相公謝賜金石凌紅雪狀 元稹

恩賜金石凌紅雪各一兩右中使竇千乘至奉宣進止以

臣將赴山陵時屬炎暑賜臣前件紅雪等臣職司復土戀

切攀驂方當匍匐而前敢有赫曦之懼豈謂天光下濟靈藥旁霑念臣有丹赤之愚故賜臣以洗心之物察臣有木訥之性故賜臣以苦口之滋就日疑不治之清永在合若遇圓之絳雪恩加望外感極成悲集作愚衷無任跼蹐屏營之至

文苑英華卷第六百三十

登仕郎胡柯 鄉貢進士彭叔夏 校正



皇慶元年十月廿六日

蒙古王淵服管訖

